

大哀經


因
慶
藏

C40
4514
37



C40-44-14

了翁上座請大藏及有
家書置武州冀山
我微笑塔院原府中未
為學者不敢許出院內
當山二世鐵牛機護誌



B 64853

大哀經卷第六

十八不共法品第二十一之二

西晉三藏竺法護譯

佛復告族姓子如來至真無若干想亦無衆念而令其心迷惑忘也所以如來無若干想如虛空土不可窮盡不察衆生而各各異用其本淨無若干故察於諸佛無若干種用其法界不可破壞慧平等故亦於諸法無差別想用無欲故如來不壞奉禁戒者偏愛順念亦不毀訾於犯戒者觀修道者不往肅敬不違道者不以棄忽不計律教是我所也永處深見不輕

忽之如來至真所行平等於一切法是故名曰如來
至真無若干想設無若干想則便宣此無若干想開
化衆生令不各異衆想消除而爲說法是爲如來十
九之業佛於是頌曰

諸安住道 無若干想 一切最勝 見諸佛土
計於經典 無各各異 諸大名稱 所行普等
設奉禁戒 若毀失者 衆生易化 若不可化
諸兩足尊 彼心平等 開度衆生 各懷貪異
佛復告族姓子如來至真無有猶豫所觀察者悉見
根原不復思惟所以者何如來大聖道德已成莫觀

不成身行謹勑心懷柔順戒禁鮮明智慧殊絕不當
瞻覲如來聖明不有超異也佛以智慮常察普護不
從愚冥則由度世不墮方俗迷惑之行如來所護因
從賢聖不從不聖賢如來所護轉於清淨無上梵輪
愍哀衆生而得自在獨步十方不從他人而有所譽
無有偏黨又其如來所觀護者無不卒暴常順庠序
而無錯謬若有所住得無受捨已離於二諸所汎流
已度四瀆稱量一劫思惟本末不能究盡各各異所
不念所作不知過去念無所娆觸不自現功如是審
實而無有異佛悉究暢靡所不達是爲如來觀察大

哀巍巍若此護諸衆生具足說法是爲如來二十之業佛於是頌曰

如來所觀護 未曾有懈倦 善修其道義
卓然殊持行 其心身如是 禁戒及智慧

尊上爲大人 所行常至誠 如來未曾懷
倚著諸危害 亦無想諸念 不爲虛僞事

其所觀護者 真諦無華飾 便則以此義
爲衆生說法

佛復告族姓子如來至真無有貪損何謂爲貪惟樂善法其善法者爲何謂乎如來大哀未曾損耗亦不

倚貪咸於大哀所說經典亦無誤失不令衆生從於貪欲而致迷耗開化衆生初不謬惑不捨閑靜亦無所啓而有違廢勸諸菩薩未曾喜忘而於三寶恒不斷絕如來至真無所貪著聖明至真道德爲樂是故名曰如來至真無有貪欲而致損耗爲諸衆生頒宣經典令其慕樂無上正真具諸通慧是爲如來二十
一業佛於是頌曰

最勝常不貪 慕樂善德業 慈哀施以法
度脫於衆生 喜樂濟群萌 隨時而開導
最勝不損道 勸不斷三寶 無貪嫉瞋恚

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

經

別釋卷第六

二

三百五十五

不從愚禁忌 由因諸通慧 善慕經典教
見衆生懈怠 最勝化勤修 積無量慧業
以此度群黎

佛復告族姓子如來至真於精進事而不損耗所謂
如來精進云何言聞以生觀察殷勤求之所在因
而度脫不遺一人於聽經典常令清徹是爲精進如
來至真如是比像得諸聽經爲諸應器一劫不倦因
而聽採其不懈者大聖宣之一劫不廢爲說經典離
於食饌將護衆生如來至真以一人故於恒河沙諸
佛國土而獨遊步從如開化令發道意如來身心及

口所當不以懈倦身心靜然無有閑憊如來方便精
進勤修靡不咨嗟因隨平等則以精進化於衆生至
聖解脫其至道真乃至申暢如來功勲是爲如來二
十二業佛於是頌曰

其人中師子 因精進之力 以此精進力
常而咨嗟之 其精勤勢力 未曾有損耗
所演說經法 用應法器故 安住所精進
已精進平等 一切無罪疊 其意懷愍哀
常爲衆生說

0123456789

201

201

201

201

佛復告族姓子如來至真意之所念一切未曾而中忘也亦不損耗如來所念意無中廢所以者何族姓子從初得成至最正覺之道普見一切衆生過去當來現在心之所懷念悉憶識之不中忽忘永存普達衆生之行如來未嘗復重推極遺慧往察如來所念實無損耗入於衆生三處諸性入諸人根觀衆生行如來所興不有觀察亦不思惟而爲衆生講說經典豫知時節進退遲疾而爲分別授其決矣所以者何其意永存不中忘故如其心定因無忘識所念衆生尋爲說法是爲如來二十三業佛於是頌曰

世雄所念 心未曾忘 又最勝尊 不憶重思
 其所遊步 如成正覺 知衆生心 無有遺漏
 亦復未曾 倚於識智 見於衆生 久長性行
 令其建立 無有事業 人中之尊 爲衆法王
 佛復告族姓子如來至真無失定意三昧正受一切
 諸法無有偏黨諸法如審何故如來不失定意用修
 平等無卒之故三昧亦等故如來等於欲際無欲之
 際亦復等矣如生死際等泥洹際亦復如是以平等
 故能正受此之謂也讚於如來三昧不忘所以者
 何則於平等無忽無忘亦不退轉如來定者不合於

1 2 3 4 5 6 7 8 9

20 1 2 3 4 5 6 7 8 9

經

大乘總義第

王

三百五十四

眼亦復不合耳鼻口身意而同塵也諸根不定其三昧定不倚地種亦復不依水火風空亦復不怙欲界色界無色界不慕今世不恃後世無所著故故不損耗是故名曰如來至真定意不忘亦爲衆生講說經典令應法器致于定意是爲如來二十四業佛於是頌曰

最勝爲常定 定意不損耗 等順一切法
正從佛定意 不倚地水火 風欲色無色
其大聖不著此 故不損三昧

佛復告族姓子如來智慧未曾損耗何謂爲智敬達

諸法無所不通慧不仰人爲他衆生頒宣聖智方便隨時所決無盡明了一切章句顯跡令人一品住所說經億百千劫假使來問去來進退爲決疑網靡不坦然其慧遍入爲暢三乘剖判歸趣以諸衆生八萬四千行則爲講說八萬四千諸經法藏是爲如來智慧無極無量無盡所說無限慧不損耗亦爲衆生顯示如是無盡智慧而爲說法是爲如來二十五業佛於是頌曰

佛正覺智慧 現在志慕乘 善宣分別解
自在度無極 爲衆生說法 從本性所樂

經

大乘總義第

王

0123456789

20123456789

20123456789

則以一文字 入無底章句 知於衆生行
所察無邊際 則爲此等頌 八萬四千藏
安住之所宣 智慧無損耗 是爲十力業
故號人中尊

佛復告族姓子如來解脫無有損耗何謂如來解脫
諸聲聞因聲而脫其緣覺者由了因緣而得解脫諸
佛世尊皆離一切罣礙諸二而得解脫所以名曰解
脫者何無過去界不與當來諸界合同不住現界其
眼於色離於二受名曰解脫耳聲鼻香舌味身更心
法離於二受而得解脫心所依倚心本清淨而悉了

之故曰發心之頃成無上正真道如來隨時爲諸衆
生講說經典使離倚受令無所著是爲如來二十六
業佛於是頌曰

諸聲聞衆 依音解脫 諸緣覺學 因緣爲慧
過諸罣礙 無垢如空 是爲諸佛 無所依倚
其心繫在 於過去事 清淨解脫 是爲執心
如應解脫 察衆生根 開度衆生 不令損耗
佛復告族姓子如來至真知於過去一切身行所可
造業其本明識而不廢退如來所覩諸勝所行因其
隨時而化衆生有所講說而度群黎默然亦度飲食

0123456789

20123456789

20123456789

經一
大藏經卷第十六

亦濟威儀禮節顯示衆生令隨律教或復現於三十二相因而得救或以自示八十種好而得度或復欲觀如來頂相威神巍巍不得諦視光踰日月超絕無侶因益喜悅而從得度或有衆生趣來見佛輒隨律教或演光明觀其曜暉而得濟度或見經行舉足下足悅而得濟或入城郭從其還出令受開化諸佛世尊舉動進止威儀禮節皆以此事益於衆生靡不受化未曾唐舉是故名曰如來至真一切身業本慧
黠黨靡不有益而不損耗是爲如來第二十七業佛於是頌曰

其目觀見 威儀禮節 行步所入 若復還出
諸相種好 及頂威曜 以此開化 而度衆生
導師假使 演其光明 無數群萌 億載安隱
見其威曜 則隨往教 諸兩足尊 常修此業
佛復告族姓子如來至真口所演業皆爲慧黨曉了
自在所以者何諸佛世尊所說經道悉爲應時所說
無虛善哉隨宜所可宣言至誠無欺無有罪釁舉動
安詳而不卒暴離於麤疎未曾荒迷常懷質直無有
謾誦初不惡口不演麤辭無所倚著口言柔軟進止
應法不爲羸弱性不飄颻亦不狹劣不爲雜碎步行

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

經

大藏經卷第十一

大

三百九十五

安詳發言和雅其聲柔軟音響香美擇言徐語舒緩時出辭章粲麗滋味具足無有獵硬言無疾病思而後語自護已身所爲應節心念隨時滅其貪欲而除瞋恚燒其愚癡降伏諸魔危害衆惡療治諸疾別其義理悅智者意音如六鶯聲如天帝其響哀和亦如江海聲靖如地如鵬鷺王命諸眷屬其意安隱如須彌山所發言辭如赤觜鳥其聲慈愍猶如鴛相呼和時亦如鴈王將導營從亦如鹿王鳴呼六如箜篌琴箏簫瑟鼓吹應節吹貝吹笙發音斯音相和各各悲快佛之音響柔軟清和過於彼節百千億倍

深奧微妙聲無穢濁聞者入耳心中歡然積累德本所宣章句不可窮盡隨時應宜前後相副不失句義合於法句各從方便不違時節見一切人諸根增減而爲說法布施莊嚴將養戒禁常令嚴淨合集忍辱精進超殊究竟暢聖業觀察智慧雲集慈心不厭愍哀其喜顯曜不釋所護建立三乘不斷三寶別三峻聚淨三脫門所修至誠頒宣智慧爲諸明者不見誹謗諸賢聖所容嗟志玄曠如虛空一切功勲悉爲備足告族姓子如來言辭發教應節巍巍如是復過於此無可爲喻是故言曰一切所說如來言辭慧響超殊

1 2 3 4 5 6 7 8 9 20 1 2 3 4 5 6 7 8 9 20

總

方廣經卷第

九

三言七字

越諸言聲三界無逮最爲慧上靡不應命而順從者是爲如來二十八業佛於是頌曰

無等倫言辭和以無垢起諸德發一響入諸聲響周徧諸三千令聲聞聽其教綠覺乘亦如是或有聞廣其志發其心求佛道其聞茲如次第各暢辭不錯亂若講說殊勝法又其心無退念猶如山之呼響應其音而來報人中土言如是所演說悅衆心

佛復告族姓子如來至真皆知一切衆意所念最爲慧黨靡所不達所以者何察於如來無心意識初無想念而有進退以慧照曜消化衆冥其如來慧普至一切衆生心念亦復徧入存一切意超諸群生其識所念諸消化法其三昧定無所依仰越于陰蓋離十二緣起之行永捨三毒去於臭穢降伏魔事去虛僞幻諛謗之穢捨于吾我除去無明愚冥根株淨修道業心如虛空而無想念不壞法界告族姓子如來至真其心意業慧黨若茲是爲如來二十九業佛於是頌曰

不當稱最勝兩足尊聖心積累衆聖明
導師業清淨此安住之慧處在衆生性

0123456789

20123456789

20123456789

普入靡不周 在自然法界 禪定意如是
一切善備悉 其察心意識 一切無想念
已過諸魔界 超於危害業 自然如虛空

離垢無所在

佛復告族姓子如來至真知於過去慧無罣礙其所
覩見知無損耗所及云何其諸過去諸佛國土合者
成者皆知其數多少進退其土所有草木山谷諸藥
叢林悉分別之其佛國土所有衆生蚊行喘息身形
種類悉識知之人民言語聲種類蜎飛蠕動悉曉
了之彼土前後諸佛興出多少之數悉亦演之諸佛

之所頒宣經典卷數多少有所顯照亦悉暢之化諸
聲聞其限若干開諸緣覺入其律乘悉亦識之敢可
勸導爲菩薩學使發大乘無上正真亦悉具足其佛
國土所有好醜言教行迹轉相瞻侍亦悉恤之其比
丘衆言行舉動上下相順進退之宜亦悉別之有覩
壽命長短久存中夭亦復曉之復知隨法建立年歲
亦識喘息長短好醜飲食衣服所止居業如來悉知
過去衆生終始周旋所當往生諸根若干其行不同
志性各異所懷心意境界殊特其心悉暢而不中忽
心念多少好醜善惡如來悉知其數之限則見目覩

0123456789

20123456789

20123456789

經

大藏經卷第六

七

不以二慧而復再思如來至真亦不遣心追推過事而推知之以其慧心悉覩預見不復重念其慧如是巍巍無量見衆生性不中有廢而爲說法是爲如來三十之業佛於是頌曰

佛之聖明慧 無限無罣礙 在諸佛之上
而頌宣經典 勸諸衆生界 令篤信佛道
諸佛國土中 其所行進退 諸人民根原
志性所歸趣 所有藥草木 音響之好醜
過去心名何 諸所可造行 平等覺悉達
觀見如所有

佛復告族姓子如來至真知於當來而無損耗慧無
罣礙皆覩悉達云何知之於當來世所當興成若復
毀壞其合若散如來悉知劫起所燒觀其水色何等
像類其佛國土當還復者其地廣長闊狹遠近塵埃
之數一一佛土諸佛所興教化群黎諸聲聞數緣覺
之衆諸菩薩等飲食衣服所止居宅出入喘息行步
舉動所可遊居威儀禮節一一如來所化衆生立於
聲聞緣覺之乘若學大乘如來悉知一一佛土諸衆
生類當往生者其心生念若干之數諸念所滅如來
悉知皆達此已如來不復而重思念心察懷抱觀於

0123456789

20123456789

三百六十九

三

總卷第十六

廿一

三百六十九

三

當來常覩悉見而爲衆生廣說經道是爲如來三十
一業佛於是頌曰

於當來世 世之所有 當所合成 若復毀散
利土衆生 諸佛之數 其佛正覺 皆成此數
其心未曾 而有忽忘 其意觀察 普達當來
而爲衆生 應時說法 是兩足尊 之所行業
佛復告族姓子如來至真咸見現在而不損耗其慧
所覩無所罣礙所見云何知於現在十方世界一切
國土所有多少之數諸現在諸佛所現在一切菩薩
聞緣覺之數多少星宿形像進行運轉爲有幾所

現在一切樹木藥草山林谿谷十方土地境界遠近
國中塵數悉明其限十方諸水以執一毛搃取其水
知其幾滴十方諸火境界與焰若復衰滅存亡所在
亦悉達之十方諸風所由形色所從因出往來周旋
成敗增益亦悉知之十方虛空迥遠悠邈其里億數
無邊無際佛悉知之無有不及如毛塵者知其現在
三品之行衆生之界進退難易根本深淺受教遲疾
佛知現在地獄衆生所犯殃疊罪適歸此其所因由
從其中出當所生處復知方便所用除殃又知現在
衆生之種蚊行喘息蟄動之類所因行業而墮此難

0 1 2 3 4 5 6 7 8 9

20 1 2 3 4 5 6 7 8 9

了其所便可除殃罪當所生處復知現在餓鬼之界
所因慳貪而墮此患所當因由方便除罪決所當生
知於一切現在衆生心所懷念所爲塵勞愛欲之病
復知離欲無塵穢者又知現在一切衆生當以何律
而受開化或復有人不從律教緣知諸天生天上意
退沒所歸佛悉知之如是本末初末曾忘一慧重思
入於無二而爲衆生廣說經法是爲如來三十二業
佛於是頌曰

諸最勝慧 普靡不周 無限無量 不可思議
等如虛空 虛無無喻 一切世間 所不能逮
如來道品第二十二

佛復告族姓子是爲如來所行道業如來以此所行
道業開化衆生以無言辭而演文字難當難成又族
姓子如來至誠無有敵學能禁制者其業無量不可
思議諸天龍神及世間人無能計會稱載所知初無
所言而文字現難是難及無能抑制徧諸佛土定意
周普現諸正覺皆已超越無諸邪業無所想念猶如
虛空三昧平等察諸法界而無差異所以者何諸佛

0123456789

20123456789

經

大藏經卷第

廿

三百六十七

世尊所可宣說無有若干所因典出無有偏黨等諸
 衆生國土亦然所說悉同道神不別解脫無異所至
 減度亦無若干又族姓子如來至真於諸法界爲一
 種味成最正覺於衆生界無所蔽礙善權方便以無
 碍法而悉明了則爲衆生轉其法輪令不退轉阿惟
 越致譬如族姓子上工珠師修於清淨無垢寶珠重
 治令曜手執此珠寶舉著濁水令水凝然去濁就清
 不復勤役而勞其功然後則出著於食味上於瓶甕
 若於鉢器令其中水皆使清澄所勞功夫不足言耳
 然後復著大藥味中以微細漚而重洗之所洗已淨
 去諸刺棘是則名曰夜光寶珠如來至真亦復如是
 察諸衆生瑕穢境界爲演無常苦空非身悲哀辛酸
 苦毒之災衆生迷惑愛樂生死苦惱患厭爾乃令人
 賢聖法律如來精進於彼無難然後乃達空無相願
 如來以慈而開導之所勤精進而無所著便次得成
 於不退轉頒宣經道三場清淨何謂佛界而令衆生
 來入其境已得越度入如來法故曰無上衆祐之要
 是族姓子以此因緣當作此觀如來正真所入三昧
 不可思議修于平等達於三世不斷三寶如來於彼
 不可思議住於道業猶如虛空其身自然無能逮者

0123456789

201

201

201

201

現形一切諸佛國土而於諸法永無所獲不擇自在隨其音響而教化之若爲衆生宣經典時皆離一切心諸所緣而悉知見衆生心行志性所趣諸菩薩衆志操清淨諸佛世尊以此等故興出世間是族姓子是爲如來至誠之議由無本業謂無所住而不違遠亦無懈息受菩薩決不斷言教是則名曰如來道業佛講說此如來業時十方無量不可計會無數佛土六返震動其大光明普照諸界雨天龍鬼神犍沓和等佛師子座諸來集會大聲聞衆天龍鬼神犍沓和等阿須倫迦留羅真陀羅摩曇勒比丘比丘尼童士童

女咸共聽聞如來宣此道業法典歡喜踊躍不能自勝善心生焉各各賚持若干種華名香雜香華鬘塗香衣服旛蓋及大幢旛鼓諸妓樂琴瑟箜篌供養如來取頭上寶而以散之或賚麻油或執雷音或取其髮或脫寶瓔以珠校飾或明月珠或懷月珠及解脫華或持無價鮮潔之供或獲印綬原赦之養或有寶果或以鴈鳥或以線縷或寂然物不倚空物或頭寶瓔或頸著珠或手或脚所有莊嚴而供養佛悉徧散之或復又取夜光寶珠或復又取紫磨寶飾以散其上或馬藏寶天帝殊紺大青寶珠火色寶珠月光寶

0 1 2 3 4 5 6 7 8 9

20 1 2 3 4 5 6 7 8 9

珠若干種色瓊異奇寶以供養散紫磨粟金雜碎自
 銀木檼雜香儋堂雜香旃檀雜香黑妙雜香丹赤真
 珠似人雜香而自退漏雨散及諸天華加雨意華無
 極意華月度月華柔軟音華大軟響華其華曜日大
 地陸地諸華其輪離垢而有百葉或有千葉或百千
 葉其光遠照香悉周徧其香美妙洋溢所觀靡不欣
 樂其光照曜執持其焰其色無量文飾交露青蓮芙蓉
 諸所雜華而自然墮又復雨地須蔓那華思怡無憂
 華瓶梧桐捨著徐詳平順而雨此華箜篌樂器簫瑟
 鼓吹鼓饌諸伎自然而鳴又復加雨諸天華香雜

香衆寶瓔珞寶珠衣服臥具其諸十方來會菩薩踴
 住空中自投其身用供養佛適各投身不惜軀命應
 時空中周徧自然覆寶高座有寶交露垂無央數諸
 寶瓔珞周徧校飾紫金雜廁其飾殊特誠非世有出
 若干種諸寶蓮華一切所有珍寶瓔珞一枚珠各有
 無數不可稱載化菩薩現悉共見諸菩薩出適來出已
 繞佛七匝則復還坐於寶蓮華十方無量諸異國土
 不可稱計諸佛世尊一一諸佛各各一劫共嗟歎之
 共歎德窮劫不竟供養法故佛以威神遣諸弟子詣

0123456789

20123456789

經

大藏經卷第十六

晉九

此忍土所齋供養入此忍界其實莊嚴超踰於此嚴
飾寶座殊絕難及彼時大會無數衆生見是變化皆
發無上正真道意不可稱載諸菩薩衆逮得無所從
生法忍於時世尊周而徧察諸菩薩衆汝等正士誰
能堪任如是比像清淨莊嚴菩薩所住所當建立如
來至真意欲遣使在邊止宿將護視之無有思想亦
無音響所敷氍毹毼氈之具彌勒如來成佛已後十
六年中當坐於此淨寶高座是爲菩薩行願歸趣名
無蓋門大會法品經典之要亦當廣布分別其義彼
時所謂一切菩薩亦當興發供養此法彌勒如來及

於賢劫諸菩薩衆於時會中有一菩薩名變動諸法
王卽從座起於蓮華上右膝長跪又手白佛唯然世
尊我能堪任將護於此清淨校飾止息其邊無有思
想精勤一心而不懈廢侍於彌勒至誠如來常供養
之及於賢劫諸如來衆至真等正覺等時有魔天名
曰所作所立堅強處將四城來在彼會謂變動諸法
王菩薩族姓子其器云何爲何等類而用其器受此
嚴淨令不毀散變動諸法王菩薩答所作魔族姓子
知一切諸器皆歸壞敗無常存者無所堪受惟有虛
空而可不毀無所妨廢於諸器中最爲高尊仁行當

經

大藏經卷第十六

大

0123456789

20123456789

20123456789

經

大藏經卷第六

七

四百〇九

宜諦察我身目無得瞬必能覩見於無極器時所作魔觀察變動諸法王菩薩諦視其身而目不瞬卽見變動諸法王菩薩脣中有水王光明世界何故名曰水王光明其佛世界悉滿衆水周徧國土若有遙視如一大海彼有如來名曰樂蓮華首至真等正覺於今現在純諸菩薩爲說大乘其水界中又有蓮華名寶莊嚴其彼如來及諸菩薩而坐於上時所作魔又手而立稽首歸命變動諸法王菩薩變動諸法王菩薩謂所作魔仁君豈見諸菩薩器答曰已見其器無極報曰是水君能任受如是像無極天器億百千劫

那術諸劫數之數報壞於此莊嚴校飾終不枯竭無能消化時所作魔稽首禮佛惟願世尊我本憶念志在雜碎未見於此諸正士等未得聞是經典要時欲得速成聲聞緣覺而取滅度今日又見變動諸法王菩薩威神巍巍聞此經典感動變化諸所建立至意當發無上正真道心如今所作不敢違廢於最正覺愍傷衆生多所安隱多所將護假使吾身於江河沙劫地獄見煮然後乃成無上正真雖遭此厄不以爲患不捨佛道時佛咨嗟所作魔曰善哉善哉汝身乃爲大道之故一心被服弘誓大鎧今仁如此建立志

經

大藏經卷第六

五

願所誓必果

方家綱名第十一

十九

三百廿字

狼溪齋詩第六

大哀經卷第七

西晉三藏竺法護譯

八總持品第二十三

時有菩薩名師子英在會中坐問總教王菩薩唯族姓子菩薩所立於河總持而皆受持諸佛所說所演經典不可窮盡則以善教悅可衆生靡不忽然如冥覩明總教王菩薩報師子英菩薩所住此八總持悅可衆生使得開達其慧無窮何謂爲八有總持一名淨光音二名無盡法藏三名無量退進四名海印意五名蓮華嚴六名入無礙印七名入分別辯八名建

0123456789

20123456789

經

大藏經卷第七

七

言生

立佛莊嚴是爲八菩薩住此有所暢說悅可衆生時
 師子英復問總教王菩薩仁族姓子寧可屈意垂哀
 一切復重解此八總持義廣演其音設諸菩薩聞此
 總持所得辯才必當勤學總教王曰族姓子聽今爲
 仁說八總持義廣散所歸何謂淨光音假使菩薩住
 此總持其所入門無所羣礙甚爲鮮潔歸於堅要其
 意正立而說經典其音通徹聞一佛國或二或三或
 四或五或十二十三十四十五十諸佛國土或百或
 千其音教告諸佛國土或十二十三十四十五十百
 千億諸佛國土聞其音教或復通徹無量無際諸佛

國土從意所樂欲令音教通於幾何諸佛國土多少
 無極悉能堪任恣意所欲一師子座而爲十方一切
 衆生講說經法欲令二十里衆人得聞或四十里或
 一須彌或至梵天從其衆生本意應說處師子牀建
 立其志爲諸衆生講說經法悅可其心^不不開解身
 通處於師子座已十方諸佛皆現其身諸佛說法皆
 得聞之適聞已後得總持力悉識念之未曾復忘以
 斯法典解達其義其所說法諸可聽受無能遏斷入
 於一文音響之事皆能演說一切文字普入諸響諸
 因緣句入文字故入無量門說於諸法無有來相諸

經

大藏經卷第七

七

0 1 2 3 4 5 6 7 8 9

20 1 2 3 4 5 6 7 8 9

經

大藏經卷第七

二

四百八八字

法無處無所住故諸法自然無所返故諸法懷來無所到故用清淨故諸法無根用無有處所生無故諸法無邊無所成故諸法無盡無所住故諸法無生無所行故諸法不起無所作故諸法不有無因緣故諸法入亂無等鉅故諸法不滅無有生故諸法無行無所願故諸法無戲無有想念應不應故諸法無言永入無行故諸法無教用有所說而有失故諸法無瞋無有恨故諸法無想無所著故諸法無念無有虛故諸法無倚無所望故諸法無誨於空等故諸法無辭用無思故諸法無究無師主故諸法無生無有教故

諸法悉淨無有來故諸法無我我自然故諸法無人甚清淨故諸法無壽無長存故諸法無命入於義故諸法實空於內寂故諸法無相其本際者無有際故諸法無願無所受故諸法無行用無爲故諸法無爲以越所起章句行故諸法不堅無所依故諸法無著無所習故諸法自然用無身故諸法無作所作淨故諸法無業無所入故諸法無報無所合故諸法無合無所壞故諸法無捨無所取故諸法無瞬不可捉故諸法無獲無所指故諸法無觸無所造故諸法無漏無流處故諸法無有志無成故諸法清淨無鬱黨故

經

大藏經卷第七

二

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

經

大藏經卷第七

三

四百八十八

諸法無屬無若干故諸法無色四大無常故諸法無痛無所遭故諸法無想越衆念故諸法無行離諸欲故諸法無識無所慕故諸法無界如空等故諸法無捨越諸界故諸法無境無所由故諸法無貪無所想故諸法無像無處所故諸法無形無所降故諸法無濁除諸憒故諸法無憶無所執故諸法無想無有二故諸法無岸度界跡故諸法無怙離所在故諸法無常緣不諍故諸法無名無所在故諸法無雜各隨行故諸法無住無所存故諸法無爛無所燒故諸法無惡離諸惡故諸法如水洗諸垢故諸法無災甚清淨

故諸法甚清淨不可數故諸法無計無所著故諸法無求無有動故諸法無搖不可震故諸法無爲與空等故諸法虛無無所爲故諸法無貌無所行故諸法無現無所曜故諸法無照捨諸明故諸法無比無有邪故諸法無偏等恍惚故諸法無冥無所視故諸法無晃無部黨故諸法無罪離於豐故諸法歌頌作善業故諸法入虛有侵欺故諸法無進無所立故諸法無見無有類故諸法無聞用寂然故諸法無馥無有香故諸法無嘗無有味故諸法無柔無細滑故諸法無識謂無法故諸法無緣離心意識故諸法無惟道

1 2 3 4 5 6 7 8 9

1 2 3 4 5 6 7 8 9

1 2 3 4 5 6 7 8 9

平等故諸法本淨以滅諸入不復生故如是族姓子
 菩薩已逮淨光音於諸因緣文字章句咨嗟其義若
 於一劫復過一劫頒宣經典不捨諸緣文字章句隨
 時所應不以爲難取要言之一切諸文各各諸字以
 一一文爲衆說法於彼文字而無窮盡善住法眼諦
 演辭義其言璨麗於是菩薩住於總持究暢清淨威
 儀隨時辯才鮮明其心顯曜遵修慈心其所布施亦
 復清淨法施衣食俱無所惜其戒清淨行無缺漏忍
 辱清淨心不懷害精進清淨造安隱業一心清淨寂
 然無冥智慧清淨捨於闇昧廣有所照其業清淨無
 所違失其目清淨三眼無垢其耳清淨得天耳聽聞
 諸如來所講說業其鼻清淨聞於如來戒法之香其
 舌清淨無可意味志道法味其身清淨所生一切不
 為胎垢之所點染其心清淨善權隨時普入諸法其
 色清淨相好莊嚴所聞清淨悅耳之音而無亂響其
 香清淨戒聞施香所見被熏其味清淨味味復味成
 大人相細滑清淨手腳柔軟猶如幼童其法清淨逮
 法光明其意清淨所聞經法懷憶不忘其志清淨超
 魔徑路行步清淨普入深妙無極經典菩薩已住於
 此總持自恣從志告誨教授幾何佛土光明所照其

1 2 3 4 5 6 7 8 9

20 1 2 3 4 5 6 7 8 9

經

卷之六

三

四百八十二

數亦然又其光明演出一切十方諸佛所演法教以用逮致於此總持因得殊特無言辭故是族姓子淨光音總持也所可演出若有所入所可稱說不可限量此淨光音總持分別所趣不可思議言辭無極所決無限所住方面曠而無際入無罣礙佛言族姓子何謂無盡法藏總持謂色無盡以色無常故曰無盡說色無常以色苦故亦說苦惱色無我故亦說無我色寂然故亦說寂然色恍惚故亦說恍惚色如沫故亦說聚沫色如幻故亦說如幻色如野馬故亦說野馬色如水月故亦說水月色如夢故亦說如夢色如

呼響故亦說呼響色如形影故亦說形影色如照面像故亦說面像色無有故亦說無有色無學故亦說無學色無究竟故亦說無究竟其色空故亦說於空色無相故亦說無相色無願故亦說無願色無行故亦說無行色無生故亦說無生色無起故亦說無起色本自然故亦說本自然色用本無故亦說本無色過去自然故亦說過去自然色當來自然故亦說當來自然色中自然故亦說中自然色憺怕故亦說憺怕色靜默故亦說靜默色無遊故亦說無遊色無戲故亦說無戲色不可思議故亦說不可思議色無貌

故亦說無貌色無體故亦說無體色無人故亦說無人色無壽故亦說無壽色無命故亦說無命色無養故亦說無養色愚駛故亦說愚駛色不仁故亦說不仁色無神故亦說無神色如束薪故亦說束薪色如草木牆壁瓦石之類故亦說草木牆壁瓦石之類色如誑相故亦說誑相色爲四大故亦說四大色無聲故亦說無聲色無教故亦說無教色不可得故亦說不可得色念淨故亦說色念淨色緣起故亦說緣起色無斷故亦說無斷色非常故亦說非常色如屋故亦說如屋色無痛故亦說無痛色從罪福生故亦說

罪福色法界苦故亦說法界色住法界故亦說住法界色於本際法界而無動故亦說本際色無我故亦說無我色無受故亦說無受色無載故亦說無載色無念故亦說無念色無性故亦說無性色無量故亦說無量色無邊故亦說無邊其色於道本清淨故亦說道淨色空等故亦說空等色於泥洹本清淨故亦說泥洹清淨舉要言之五陰六衰諸法諸名身形句跡徑路篇章及諸識身悉入一音之所顯曜說無盡慧計是四大寶藏之篋所諮詢啟慧亦不可盡其寶藏篋聖法經典亦復遊入於無盡慧所頒宣智是爲無

經

大藏經卷第七

西漢

盡法藏之總持也一切諸所講說宣傳若於一劫復過一劫谷嗟此德無盡法藏猶不可盡佛告族姓子何謂無量退進總持於彼迴旋斷絕計常而返其流十二緣起從無明緣而自致行從行致識從識致名色從名色致六入從六入致更從更致痛從痛致愛從愛致受從受致有從有致生從生致老病死從死致於哀泣憂感所不可意從致五陰大惱之患已除無明行識名色六入更痛愛受有生老病死啼哭愁感不可陰意大患永除彼從無量宣無限門入於無底是故名曰無量退進之總持也亦受亦捨故曰迴

旋無受無捨此之謂也亦起亦滅所以迴旋不起不滅此之謂也與塵勞合而致諍訟所以迴旋返本清淨無著放逸此之謂也於一切法而有所行所應不應念與不念所以廻返無想無念無應不應此之謂也因緣諸見所以廻返斷因緣見此之謂也名之與色所以廻返無名無色此之謂也有爲無爲所以廻返淨於三場此之謂也有內有外所以廻返不住於識此之謂也罪福報應所以廻返無罪福報此之謂也善與不善所以廻返永無所行不處善惡此之謂也有漏無漏所以廻返無有二事此之謂也殃豐所

蔽塵勞之冥所以廻返本淨自然此之謂也許我不
 我所以廻返其際清淨此之謂也生死泥洹所以廻
 返諸法泥洹其原靜然此之謂也是族姓子說無量
 總持進退無底若有菩薩住是無量退進總持志無
 所生達法無起於無央數百千劫中講說經典不能
 究盡總持之慧其義微妙此無量退進總持若入中
 慧有所宣暢則能覺了清淨道門照曜幽冥靡不坦
 然佛告族姓子何謂海印意總持猶族姓子謂四方
 域世界之中諸有形色又其像貌山谷樹木諸所生
 草衆藥之類所有形貌日月光明明珠水曜焰電諸
 有像貌州城大邦郡國縣邑居舍屋宅所有像貌園
 觀浴池川流泉源形流行色生活之業自覩形像好
 魏善惡上中下貌一切諸色及與歸之皆依大海而
 不別異是謂大海菩薩若住此海印意總持等印一
 切衆生之身亦復等演文字之教以等心印而印衆
 生十方諸佛口演所宣無極大法此典皆從菩薩口
 出佛印見印所說法者欣而無恨講諸法印慧無所
 印所可講說悉如來印分別衆諦其無印者永無所
 行心自然寂其離印者得離欲法清淨之行其度印
 者所演究竟靡所不通其號印者皆宣名物各各暢

了其樂印者除去欲貪放逸恩愛其十印者具足十力其被恐印者淨除諸意其燒咤印者捨於燒熱其六印者成六神通其左披印者棄捐左道其審印者說於真諦其如印者所行如實其哆印者蠲除一切諸所根本其迦印者離所作業其娑印者宣暢至誠其徑印者嚴淨道故其奧印者入深妙法故其勢印者顯現勢力故其生印者度生老死故其志印者謂意清淨故其界印者不壞法界故其寂印者具足憺怕故其虛印者虛靜空無無不可盡故其盡印者消化盡想慧無起故其立印者覺意諦住故其知印者別知一切衆生類故其普印者而悉頌宣諸所興衰其有印者覺了分別所有無有其貪印者消除貪姪瞋恚愚癡之忌難也其已印者已身已通而成正覺其自印者身自解故其旦印者旦自釋捨諸所倚相其敷印者滅遣根原其處印者則於處處如有悉知其無印者無有若干其果印者逮得果證其陰印者除諸陰蓋其疾印者離邪疾故其施印者得成施戒普香熏故其堅印者已逮斷堅剛強性故其究印者究暢文字據其根原如是族姓子菩薩說法演若干文悉知一切文字印說是爲海印入總持門佛告族

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

姓子何謂蓮華嚴總持菩薩大士若入衆會在所住處輒爲說經設有所宣于時於彼卽生蓮攀其色殊妙菩薩適坐於蓮華逮虛空中則雨蓮華又諸蓮華各各演出若干種音講說經法惟說深義無有雜句嚴飾之教攀引典喻正典上要分別義歸十二部經一曰聞經二曰得經三曰聽經四曰分別經五曰現經六曰應時經七曰生經八曰方等經九曰未曾有經十曰譬喻經十一曰注解經十二曰行經其所演法若有聽者輒盡衆苦菩薩如是自然精進不釋常定于時蓮華所演經典適斷衆苦便行佛事又其菩薩一切毛孔悉出光明化爲蓮華諸蓮華上各化菩薩詣於十方不可涯底無數佛土奉覲諸佛是族姓子名曰蓮華嚴入總持門佛復告族姓子何謂入無礙總持門假使不捨一言辭已至二三四乃至于千所生之處常不忘之或億百千種種之說悉能識念爲衆宣暢世世不絕諸根和悅顏色殊絕與衆超異悅可衆人無有惱亂或能所說聞於無量江河沙等諸佛刹土或能通暢如佛國塵諸佛國土於是所演諸法門者隨時方便又彼法門一時悉徧諸佛國土滿中塵數諸世界也或二三四或五至十百千無量

經

大般若經第十一

四百九字

所說應聲亦無所著則無所住其音柔和合衆人心辭美隨時其義雅妙不失其節莫不欣豫入無礙門佛復告族姓子何謂入分別總持曉了其義所宣旨慧而不可盡分別法者所宣正慧亦不可想隨時分別所說明慧亦不可窮分別辯者所宣正智亦無涯底菩薩已獲如此慧者其於東方所有衆生悉能合會令在一處各各隨意言語各異音聲若干從其宜便所知多少來難菩薩悉能發遣申暢其義南方西方北方四隅上下亦復如是來難菩薩各各問義一時各各盡爲發遣隨音清濁若干種言悉能開解各

隨本心而得入道各聞其言音不錯亂則以一音入無數音以無數音則入一音是爲名曰分別莊嚴總持佛告族姓子何謂建立佛相總持若有菩薩得此總持處大法座在於大衆常於虛空在其頂上變交露帳化佛處上紫磨金色三十二相衆好嚴身自承其德頂近如來右手所在化佛舉手適著頭上應時菩薩其身卽變成爲佛形莊嚴相好建立其口言辭如佛被蒙其意亦如佛意適能成就逮如是法則入一切衆會心念從其本行而爲宣法一日一日至于五日半月一月半歲一歲五百千歲從意自恣至于

無窮不可計歲離於飲食爲諸衆生而講說經所宣經典而無有窮盡其身不懈心亦不怠悉是如來之所建立聖威所接彼則成致於四大慧何謂四一曰慧解一切衆生志操二曰分別章句靡不通暢三曰則以聖智所宣無盡四曰則從其人本所學乘了其意歸而解說法是族姓子如來相建立總持所入門者有所宣說又此總持所可演義不可稱載無有邊際通佛境界爾時總教王菩薩覩於如來說如斯義以偈頌曰

安住已宣說 於入總持行 此乘所宣獲

分別得解暢	說億載經典	辭不得邊際
其議所分別	說者無所損	佛音甚柔和
其聲微妙快	宣告江河沙	無量千佛土
衆生得聽聞	逮成得滅度	此總持清淨
所暢音無際	講說無數劫	其法無窮盡
一句之言辭	宣布不可說	一切諸文藻
智者得隨時	是爲法籞藏	覺意無涯底
皆棄諸非受	其行甚清淨	亦不著中間
不隨退轉界	斯勇普惟法	專精而奉行
其逮得總持	蠲除衆根原	其於四域界

經

大藏經卷第

三

三百六九

諸所有形類 一切悉等印 江海無思惟
 其有逮得此 海印之總持 彼行者印門
 所說無思議 若在衆會中 大人講說法
 尋於虛空中 廣雨諸蓮華 又諸蓮華者
 演億千法教 蓮華嚴總持 清淨德若茲
 一音所演句 二三及五六 諸音各各聞
 聲而不錯亂 千億百那術 言辭不可盡
 有逮得總持 所覺無呈疑 其所宣辯才
 法義說應時 十方衆生來 各各共難問
 悉爲發遣之 決了所疑法 其逮得總持
 意所覺如此 其大人正士 若坐於高牀
 諸佛以右手 而摩著頂上 其人得辯才
 如佛無有異 用逮此佛化 妙上總持故
 假使此菩薩 逮成總持者 彼意所懷德
 無際不可念 講說億千劫 猶如江河沙
 問嗟其功德 境界不可盡 如蓮華自然
 踏處於三世 堅住如須彌 所部無能動
 假使有逮得 無上之總持 其慧則普流
 周徧於三世 若在衆會中 勇猛如師子
 調御諸外學 降伏令成就 假使有逮得

901

2 3 4 5 6 7 8 9

201

210

1 2 3 4 5 6 7 8 9

經

方廣經卷第七

計

三日二九字

此上之總持 在所遊行處 悉棄諸恐懼
 其光踰天明 所照而隨時 其行若如水
 洗除衆垢穢 其行亦如火 無想無有念
 其行亦如風 不著諸境界 其行亦如醫
 療治諸疾厄 隨時給法藥 湯火而救濟
 其有逮得者 極上妙總持 彼慧無瞋恨
 隨根而解說 退行如月明 能除夜衆冥
 心等光明正 而演大暉曜 其有逮得此
 總持最無覺 衆生來觀瞻 視之無厭極
 其行喻日光 照曜於暗冥 開三界衆生

使得覺悟解 若逮得於此 最上之總持
 枯竭於衆庶 愛欲塵勞原 其行亦如王
 典領其國土 如息意王教 以法施所聞
 其有逮得此 最上之總持 一切無所受
 不著於諸有 其行猶如龍 意強有神變
 興雲雨爲衆 亦復出電焰 其有逮得此
 最上之總持 此放諸法雨 消滅衆惱熱
 其行如天帝 不爲諸容色 而見所迷惑
 心廣而思法 最上之總持
 諸來衆會者 悉瞻戴其顏 其慈之所行

經

大乘經卷第七

計

經

大藏經卷第七

三

三百〇九

等遊如梵天 一切無等倫 來生於此世
 其有逮得此 最上之總持 彼生於梵天
 所在常清淨 則成大五通 常與衆超異
 遊百千佛土 難計無思議 其有逮得此
 最上之總持 彼供養十方 無央數諸佛
 諸佛所咨嗟 隨所止方面 悉共愍哀之
 念之如一子 其有逮得此 最上之總持
 計如是不久 當逮佛功勲 其辯甚廣遠
 所演無窮盡 說種種微妙 無數諸經典
 其有逮得此 最上之總持 嚴行如華鬘

辯才如流泉 在衆意堅強 所覺而通暢
 其慧無涯底 所行如虛空 其有逮得此
 最上之總持 彼則無惰慢 離諛詭自大
 其智慧善權 所遊而自恣 能精進奉行
 當修慈愍哀 其有逮得此 最上之總持
 一切皆蠲除 有爲之瑕穢 知衆生言辭
 所說之善惡 了衆人所好 一切諸根行
 其有逮得此 最上之總持 本所可宣暢
 其義不可盡 精勤禪定意 諸根及五力
 覺意略如是 其寂然最上 其有逮得此

經

大乘經卷第七

七

三言九

最上之總持 彼則觀諸法 所獲甚清淨
 於諸度無極 已逮至彼岸 意強而明達
 慧了諸四忍 其逮得於此 最上之總持
 其人自然解 安住諸所行 寂然成憺怕
 仁和無放逸 威儀禮節行 分別住安諦
 其有逮得此 最上之總持 其人未曾有
 不與諸塵勞 以成如法幻 志性離瑕穢
 所在胎生處 不能垢所染 其有逮得此
 最上之總持 則住於蓮華 立在諸佛前
 其人身口意 威神無缺漏 普興一切慧
 周流歸衆生 其有逮得此 最上之總持
 諸佛所逮化 說法而自立 已成大智慧
 爲衆生行道 於無數劫中 歎德不可窮
 其有逮得此 最上之總持 若有欲歎譽
 無能得原際

於是世尊讚總教王菩薩善哉善哉仁快說此咨嗟
 總持之所入行所以然者此法自然無所依怙不仰
 他人仁已曾往過去諸佛更問深妙總持門故以是
 之故汝族姓子當作斯觀等無有異

大哀經卷第七

經

大哀經卷第八

十一

一百五十四

經

大哀經卷第八

十一

往古品第二十四

佛告族姓子乃往過去久遠世時劫數無量不可計會懸曠極遠不可思議爾時有佛號離垢光如來至真等正覺明行成爲善逝世間解無上士道法御天人師號佛世尊世界曰善離垢劫名照明其界清淨地紺瑠璃淨如明鏡地平如掌其界之土瑠璃爲地生七寶樹枝葉華實皆亦寶成又自然生衆寶蓮華大如車輪其色若干見者心歡其形微妙香潔甚美

大哀經卷第八

西晉三藏竺法護譯

經

大藏經第八

三言卷九

寶爲交露屋宅精舍諸天人民被服飲食猶如第六
 自在天上人民鮮潔行步安詳其姪怒癡慾而薄少
 舉動言教其佛世界無有日月其佛離垢光明身出
 大暉徧諸佛土晨夜常明昧爽不別蓮華合者則知
 爲冥蓮華開者則知爲明其離垢光如來至真諸菩
 薩衆有八百億出家菩薩居士菩薩無能限量不可
 稱載建立無上正真之道其佛土地不聞異學無有
 畏乘惟修大乘行悉淳淑立不退轉世尊云何爲彼
 說法惟演空慧空無相教佛壽半劫衆人居宅若干
 種寶佛卽行步皆隨時節諸天亦然其於地上立交

露帳舍宅居中名之爲人其處虛空而立屋宅棚閣
 名之爲天起止飲食等無差別又其佛界無復國君
 惟離垢光世尊則爲無上大法之王諸天人民無各
 各異皆來事師各無異名所作不別無有異念惟奉
 如來諮受經典異惟其義彼無女人無罪處名無犯
 廢欲其土衆生惟學三度一曰禁戒二曰守心三曰
 學智何謂爲戒習諸通慧心念不捨棄捐諸行何謂
 守心住於定意逮得神通何謂爲智住智度無極得
 分別辯如是族姓子有學如此名曰學度是諸菩薩
 不受禁戒其土清淨巍巍如是世尊說法嚴妙殊絕

經

大乘經卷第八

二

三言主

卓然無喻時彼佛土諸菩薩中有一菩薩名曰光首
 卽從座起偏出右肩右膝著地又手白佛唯然世尊
 所言總持爲何謂也菩薩何住諸佛所說皆能執持
 爲衆生演令心歡悅佛告光首又族姓子有總持名
 爲寶曜菩薩住此悉受諸佛之所講說悅衆生心光
 首又問惟願如來宣說寶曜總持其中義理我等聞
 之奉之如教逮此總持離垢光佛尋爲光首菩薩歎
 此頌曰

欲逮得寶曜 永除諸塵穢 於垢而無垢
 捨諸一切染 心常淨離著 是寶曜總持

逮得此持者 其明無不照 其身口清淨
 光明性離垢 等意行慈心 是寶曜總持
 已脫三十二 解諸一切想 則離衆希望
 是寶曜總持 所遊入懷勇 大德如虛空
 解明如虛靜 是寶曜總持 不斷于三寶
 絶三垢三世 窮盡衆苦原 是寶曜總持
 害貪婬恚礙 除塵諸穢濁 寶樹愛欲意
 寶曜總持尊 諸所有音響 世間上中下
 入於一切聲 寶曜持離垢 精勤深奧法
 無數妙句義 不著吾我人 總持離此二

920123456789

經

大藏經卷第八

三

三百八十八

逮得分別辯 堅住於四道 四禪震于梵
是寶曜總持 第一法藏義 啓受四等行
遵修五神通 寶曜總持尊 諦住四意止
常順四勤斷 奉于四神足 是寶曜總持
已受持五根 而立於五力 能修七覺意
是寶曜總持 奉於八由路 化寂然所觀
至於明解脫 是寶曜總持 遊戲所住地
近順解脫道 除斷一切惱 是寶曜總持
照明一切世 寂光之道場 眼清淨廣照
是寶曜總持 天眼淨如此 智慧眼曜冥

眼淨爲法目 是佛眼清淨 是塵淨於魔
此五陰消害 亦淨於死魔 歸命力降魔
住於此總持 至億那術土 見姪數諸佛
得聞上經典 以聽廣妙法 意力懷總持
分別其義趣 爲天世人宣 心明發意知
解了所報應 其法入於慧 住總持逮此
辯才無罣礙 三達三明淨 逮得三脫義
精進逮總持 無數諸總持 無限說無量
逮此總持勝 便獲一切所 其禪及脫門
正受極三昧 神通自娛樂 當入此總持

901 2 3 4 5 6 7 8 9 201 2 3 4 5 6 7 8 9 201

經

大藏經卷第八

四

三百六字

若海諸水王 萬川河流歸 是勝總持然
諸法門無量 入於無盡意 悉解無窮慧
其福無涯底 行總持逮此 色像衆相好
種性慧清淨 珠寶離垢掌 逮總持如此
入於深要藏 懷無從生忍 在不退轉地
說是總持者 無數諸菩薩 求於無上道
已逮此總持 成佛不爲難 十方諸最勝
說法愍衆生 逮此總持者 辭才無斷絕
悅億垓衆生 知根意所信 口未有所說
逮此持如是 則轉於法輪 度百千衆生

立之於尊乘 勇住此總持 無數那術劫
嗟歎其功勲 逮此總持者 不能盡究暢
如是族姓子離垢光如來至真說此總持竟諸大眾
中三萬一千菩薩逮此總持光首菩薩亦復逮得此
寶曜總持於族姓子意云何爾時光首菩薩豈異人
乎勿作斯觀所以者何則爾身是以是之故總教王
於今堪任度諸穢惡亦復於此諮詢如來章句通利
無猶豫心決其疑網猶是之故今世勇猛直啓前問
不難如來是決總持宣照世間令意坦然仁者修法
自觀達故會此復重獲此總持意懷勇猛心自頌宣

智本慧業品第二十五

大藏經卷第八

三

三百八十七

於是智積菩薩時在彼會前白佛言菩薩云何逮寶曜總持已能獲致不復忽忘益於衆生以總持力而自立業佛告智積族姓子其有菩薩住於智本而爲智慧業爾乃逮得寶曜總持不復忽忘益於衆生智積菩薩復白佛言善哉世尊惟爲解說何謂智本何謂慧業佛言且聽善思念之當爲汝說智積菩薩受教而聽佛告族姓子諦聽義旨思存心懷是爲智本如所聞法則以具足爲他人說是爲慧業觀察分別是爲智本啓發衆會令得開解是爲慧業隨順觀察知其根原是爲智本隨時開化建立衆生是爲慧業修平等行而無偏黨是爲智本奉平正行不爲邪疑是爲慧業心無所生都無所著是爲智本雖心不生能宣經典是爲慧業閑處靜思其心寂寞是爲智本身心晏然而無憤亂是爲慧業心常樂一萬事不起是爲智本識一乘道而不違捨是爲慧業專修憺怕而能觀察是爲智本得明解脫蠲除衆冥是爲慧業遵於專一三脫之門是爲智本證明三達去來今事是爲慧業篤信道誼而無疑惑是爲智本度於一切諸所呈處是爲慧業其心不怯志懷勇慧是爲智本

身心休息離於汲汲是爲慧業其意安詳而不卒暴
 是爲智本思惟懸曠而悉識念是爲慧業如有所毀
 尋卽覺制是爲智本心常正定而得其所是爲慧業
 遵修意止申暢意法是爲智本意無所存亦無所念
 是爲慧業奉四意斷令捨根原是爲智本則已淨本
 繑除衆瑕曉了諸法是爲慧業修學神足忽然輕舉
 是爲智本已無所行而逮神足是爲慧業習化五根
 根原常寂是爲智本分別諸根之所歸趣是爲慧業
 住於五力勢不可動是爲智本降魔塵勞令欲不起
 是爲慧業曉了七覺逮柔順忍是爲智本分別諸法
 一切自然是爲慧業合集由路通暢無滯是爲智本
 若以識別浮筏譬喻其非法者立之於法是爲慧業
 明識苦集而修道業是爲智本明證盡諦智本無盡
 是爲慧業諷誦經典識其句義是爲智本已通經典
 而能奉行是爲慧業一切所聞皆能執持是爲智本
 遵仰衆義不違其理是爲慧業於受音響而無所著
 是爲智本順其經典而識主旨是爲慧業觀諸萬物
 一切無常是爲智本而悉曉了於無所行一切諸法
 是爲慧業觀諸萬物一切皆苦是爲智本一切諸法
 計本空無是爲慧業察一切法而無吾我是爲智本

經

大藏經卷第八

晉文字

觀諸衆生本悉清淨是爲慧業聞真諦法不懷恐怖是爲智本分別諸法之所歸趣是爲慧業觀察寂然泥洹憺怕是爲智本一切諸法本淨寂滅是爲慧業聞於經義不懷猶豫畏懼之難是爲智本曉了義理知其止歸是爲慧業聽如審法不疑沉吟是爲智本分別辯才剖判其本是爲慧業於一切音聽不恐懼是爲智本隨時宣暢各令得所是爲慧業聞佛辯才不懷弱怯是爲智本識其辯才而徧頌宣是爲慧業爲衆生故慈奉法行是爲智本不捨慈愍以慈加衆是爲慧業自爲已身亦爲他人而興愍哀是爲智本俱於一事而無所著發無盡哀是爲慧業愛喜道法而懷悅豫是爲智本不舉不下無所違失是爲慧業離於結縛危害之事而以觀察是爲智本曉了已身舉動進止是爲慧業常念於佛心無他思是爲智本明識法身而無所倚是爲慧業常念經典識其義理是爲智本而能分別離於欲法是爲慧業常念聖衆供養諸道是爲智本逮於無爲觀察無塵是爲慧業常念惠施濟諸窮厄是爲智本捨一切塵而順道意是爲慧業常念戒禁而自謹慎是爲智本而已習行於無所行識別禁戒是爲慧業常念於天使意開解

經

大藏經卷第六

四百八字

是爲智本其法清淨離於穢塵是爲慧業若有所聞
 覆疏其義是爲智本與諸世俗無所覆校是爲慧業
 所作事業安諦無失是爲智本而悉曉了無作無報
 是爲慧業不懷貢高而不自大是爲智本得無極慧
 而成大智是爲慧業所行爲已自省其身是爲智本
 爲已亦及二事俱興是爲慧業若能執持八萬四千
 諸法經藏是爲智本分別八萬四千諸行是爲慧業
 晓了隨時而宣經典是爲智本如應講經無所遺失
 是爲慧業開化衆生建立於道是爲智本智度無極
 善權方便教誨衆生立不退轉是爲慧業未曾畏懼

五趣所生是爲智本所生之處多所將護是爲慧業
 精勤自修逮音響忍是爲智本常以修行無所懷生
 是爲慧業自將其節得柔順忍是爲智本若已逮得
 不起法忍是爲慧業發意勤修不退轉地是爲智本
 超然進前阿惟頰地是爲慧業其行已成坐佛樹下
 是爲智本所當曉了斷除疑礙解是平等皆以一時
 發心之頃隨時順義成於無上正真之道爲最正覺
 是爲慧業佛欲重宣暢此義爾時頌曰

若聽受其法 啓問無放逸 斯清淨衆人
 誓奉於智本 聞之則能演 慈心布諸民

經

大藏經卷第六

六

三百五十二

其菩薩殊勝	爲造慧之業	善意而思惟
是爲明智本	分別說所行	是爲慧之業
行如所順念	是則爲智本	此行爲人說
是爲慧之業	逮心無所生	此則爲智本
心行無所起	是爲慧之業	淨修正真行
是則爲智本	宣暢造所行	是爲慧之業
專一寂道行	是則爲智本	身心不計我
是爲慧之業	畏難生死習	是則爲智本
愛樂一乘道	是爲慧之業	好樂寂然觀
是則爲智本	思惟明脫事	是爲慧之業
精勤三脫門	是則爲智本	明證三達智
是爲慧之業	精修四意止	是則爲智本
念無意無我	是爲慧之業	棄惡修善行
是則爲智本	本淨除此法	是爲慧之業
勤致四神足	是則爲智本	不貪習神足
是爲慧之業	篤信淨解脫	是則爲智本
度一切罣處	是爲慧之業	精進不倚息
是則爲智本	身意已休息	是爲慧之業
其志了安詳	是則爲智本	不住一切處
是爲慧之業	自覺識定意	是則爲智本

經

大藏經卷第六

十一

經

大藏經卷第八

三言六字

行本淨正受 是爲慧之業 善建立五根
 是則爲智本 知衆生諸根 是爲慧之業
 奉行於五力 是則爲智本 殷勤得聖慧
 是爲慧之業 覺意柔順忍 是則爲智本
 解了一切法 是爲慧之業 勤修道精進
 是則爲智本 棄捐法非法 是爲慧之業
 方便苦自然 是則爲智本 於證不滅盡
 是爲慧之業 修持隨義典 是則爲智本
 導御從義理 是爲慧之業 不厭倦諸聞
 是則爲智本 履順其要行 是爲慧之業
 如應求其義 是則爲智本 奉行於聖達
 是爲慧之業 不倚於壽命 是則爲智本
 所念如法教 是爲慧之業 求觀物無常
 是則爲智本 於是知無生 是爲慧之業
 信脫萬物苦 是則爲智本 諸法悉無爲
 是爲慧之業 解諸法無我 是則爲智本
 其性以清淨 是爲慧之業 信脫泥洹寂
 是則爲智本 衆生永滅度 是爲慧之業
 觀察其義理 是則爲智本 覺義而分別
 是爲慧之業 若篤信經典 是則爲智本

暢達於經法 是爲慧之業 不畏一切害
 是則爲智本 曉了諸歸趣 是爲慧之業
 不離佛辯才 是則爲智本 曉了自恣說
 是爲慧之業 建立衆生慈 是則爲智本
 得無緣之慈 是爲慧之業 哀已及他人
 是則爲智本 不想著我人 是爲慧之業
 常得歡喜悅 是則爲智本 不悅無所起
 是爲慧之業 不造爲恩愛 是則爲智本
 心不得二脫 是爲慧之業 其意常念佛
 是則爲智本 若隨法身教 是爲慧之業

常思惟經典 是則爲智本 明識法報應
 是爲慧之業 念聖衆功勲 是則爲智本
 若覺了無爲 是爲慧之業 若心好布施
 是則爲智本 設捨一切塵 是爲慧之業
 思戒甚清淨 是則爲智本 住無漏之禁
 是爲慧之業 念於大神天 是則爲智本
 若念淨復淨 是爲慧之業 所聞而覆疏
 是則爲智本 不與世同塵 是爲慧之業
 善修謹勑業 是則爲智本 作於無所作
 是爲慧之業 謙遜不自大 是則爲智本

不計吾有慧 是爲慧之業 已身常精勤
 是則爲智本 爲衆生造行 是爲慧之業
 若持諸法藏 是則爲智本 曉了衆生行
 是爲慧之業 度一切諸惡 是則爲智本
 歸三處衆生 是爲慧之業 惠施爲仁愛
 等立益衆生 開化使離穢 是爲慧之業
 皆以等利之 視如佛功德 正士則如是
 是爲慧之業 畏所有熾然 是則爲智本
 思惟生於彼 是爲慧之業 不瞋得盡慧
 是則爲智本 與無所生慧 是爲慧之業
 若得音響忍 是則爲智本 其行如所念
 是爲慧之業 致柔順法忍 是則爲智本
 無所從生忍 是爲慧之業 住不退轉地
 是則爲智本 得阿惟頗地 是爲慧之業
 坐於佛樹下 是則爲智本 已逮諸通慧
 是爲慧之業 計其智之本 是曰爲道心
 依怙於此心 所作爲慧業 常諦住道心
 則能不動轉 是業爲慧事 所行常隨時
 若修行佛道 是心道之本 佛神力如是
 亦分別辯才 若於無數劫 容嗟此功勲

佛德及光明 不可得邊際 其過去諸佛
現在亦如是 若當來安住 十方不可計
其有欲供養 此無量最勝 當順隨道心
則成無放逸

佛說於此智本慧業時十方無量諸佛國土六返震
動寶嚴高座亦復如是於是智積菩薩前白佛言唯
然世尊今者何故十方世界不可計會無數佛土六
返震動其虛空中所立高座亦復如是佛言族姓子
是智本慧業經典要品過去如來之所歎說往古世
時智積菩薩在於虛空多所持護啓問如來佛爲解

答是故地大震動光明普照

智積菩薩品第二十六

爾時有菩薩名逮分別辯前白佛言智積菩薩何故
號曰爲智積耶佛告族姓子乃往過去久遠世時有
佛號名首寂如來至真等正覺明行成爲善逝世間
解無上士道法御天人師爲佛世尊世界曰精勤劫
名阿摩勒其佛世界安隱快樂衆生無患首寂如來
諸菩薩衆四萬二千諸聲聞衆八萬四千皆悉恭恪
謙卑順教其佛辯才以方等經爲諸菩薩興百億難
歌頌悉周告諸菩薩汝等正士誰能堪任受百億難

經

大寶經卷第十八

古

奇八九

一一解說而發遣之彼諸菩薩又報佛言過今夜已當發遣之或言七夜或言半月或言一月思惟然後乃能發遣各各自思白世尊義時彼衆會有一菩薩名曰覺意前白佛言惟願大聖我不起坐不整威儀無所思察於如來前令尊證明悉當發遣所可難議時此正士適師子吼三千大千世界六返震動其大光明普照世間以此威光告地土神四天王天忉利天焰天兜率天無惱樂天化自在天上至魔界天梵天梵身天梵滿天梵魔著天大梵天光曜天渺光天無量光天光音天嚴淨天渺淨天無量淨天難及天善見天善勝天離果天一善天空慧天識慧天不用空慧天有想無想天悉來集會諸比丘比丘尼童士童女不可稱計亦皆來會及諸十方諸所千界悉來住立於高座前時覺意菩薩見諸大眾悉來集會承已福力意強霸力及總持力分別辯力無所畏力奉佛威力在於佛前諸衆會中取百億難一一諸難興百億義而發遣之不轉其時不移其座亦不起立不動膝腳所說流滑義不差錯聞者坦然若冥覩明同時會中六萬人衆皆發無上正真道意八萬四千菩薩逮得無所從生法忍首寂如來則讚之曰善哉善

哉其音應時徧告三千大千世界其地上神上至淨身諸天之衆皆聞其聲悉共恣嗟今此菩薩乃能發遣百億衆難當號名之爲智積也族姓子智積以是之故名曰智積欲知爾時覺意菩薩豈異人乎莫作斯觀所以者何則是智積菩薩也

歎品第二十七

於是總教王菩薩前白佛言未曾有也世尊諸佛世雄乃能善決於是淳淑無上正真之道暢其文字不可限量入無限義難受難持解了深妙十二緣起不能勤學亦爲甚難其二行者無能及者是六情難滅坐有所著推不能解非是下劣聲聞緣覺地所能逮者是菩薩行印一切法覆校法界則以平等猶如虛空無有作想悉無所著越所希望別衆生行曉了一切報應之緣而復頌宣智度無極廣修善權奉淨寂句逮得神通以等行故入佛一門無有差特不爲若干等定如空黨無等倫等無所等諸佛平等離於二事修行滅寂去諸文字導御於衆令分別解暢其音響於義無獲所得等習奉行三寶講三脫門度於三界曉了三達興發自在譬喻定意則能建立諸佛之法懷來佛慧饒益一切諸佛所歎唯然世尊若族姓

經

大乘經卷第八

音首九士

子及族姓女有能信此去來今佛如是比像所講道義無量之慧以信樂至發無上正真道意將護正法聞如此經典之要持諷誦讀具爲人說得福無底則於如來爲有返復孝順報恩佛言如是如是族姓子如爾所云若族姓子族姓女佛目覩見十方諸佛所現國土滿中七寶持用奉施如來至真等正覺若復有人持是經典勤諷誦讀具足講說爲衆宣傳殷勤精進啓受正典敬懷行之而不違斷三寶之教如是行者德超于彼不可稱限於時世尊說此義已歎此頌曰

吾以佛眼 観諸國土 諸如來等 如積紫金
供諸如來 福尚尠少 若聞此典 功德乃廣
其有應器 得聽斯經 深奧玄妙 第一至真
已具卽受 持諷誦讀 計此功祚 爲最上尊
最勝若此 常住於法 從法養生 不從衣食
是故當奉 安住之法 則爲孝順 報諸佛恩
爾時世尊告衆 一切諸會菩薩誰能堪任受是過去
當來現在諸佛世尊無上正真道法之護吾滅度後
於五濁世時俗憒擾能傳此經使廣流布令其正法
住住久存應時彼會六萬億垓諸菩薩衆同時舉聲

經

大藏經卷第八

三百字

而歎頌曰
 五等衆人 勦共堪任 將護如來 無數億劫
 百千那術 所集無上 正真道教 於後末世
 當廣宣布 又復大聖 惟加威恩 建立神德
 令此經典 於後末世 使廣流布 令衆生類
 咸共奉命 宣令人民 得植德本 已積德者
 耳得逮聞

於時世尊卽歎頌曰

正覺言至誠 住於真諦法 以此建誠信
 順立于斯經 彼於無盡哀 而住無極慈

演愍傷衆生	故建立斯經	成就功德品
越諸聖慧黨	普入諸所行	故建立斯經
降伏一切魔	消化諸異學	壞一切邪見
故建立斯經	四王天帝釋	梵王演布施
天龍健沓和	故建立斯經	地神虛空天
雜碎諸小天	見佛多所達	當奉持此詔
修於四梵行	四諦自莊嚴	將護於所部
故建立斯經	虛空無色像	令無色有色
佛之所建立	無能動移者	
於時四天王異口同音則於佛前以頌讚曰		

吾等順此典 佛威所將護 子孫及眷屬
還逐而侍衛 若有受持者 精勤於道教
我等當奉事 四面營翼之

於時天帝釋則於佛前歎此頌曰

吾等報佛恩 當護導師法 是神妙經者
行者得成佛 我等爲諸佛 孝順報護經

將養如是典 以此奉持法

於是梵三鉢天王則於佛前歎此頌曰

其不習放逸 越度一切乘 悉從是經生
深奧義殊絕 當捨梵天安 設此經所在

當故往聽受 亦當隨營護

於時兜率天王則於佛前歎此頌曰

其一生補處 從兜率天下 便當奉持此

佛所說經典 世間我堪任 糜捐天安樂

遊住閻浮提 聽說此經典

於時魔子導師則於佛前歎此頌曰

以畢魔罪業 不復從害教 其受持此經

識義而奉行 我當擁護此 如來之經典

令興其精進 普使具足獲

於是魔波旬於世尊前歎此頌曰

經

大般若經卷第八

八

二四七

吾於衆生類 不復爲敗亂 其有受持此
攝壞衆欲塵 諸魔不得便 說此經典者
諸佛所建立 吾當將護之

於是須深天子於世尊前歎此頌曰
諸佛之正道 此經悉演說 若有持斯經
則奉一切佛 我當執此典 爲億數天讚
勸助發道意 聞者則遵行
於是彌勒菩薩於世尊前歎此頌曰
若有志有道 其慈不須屬 擁護一切法
自出意布施 吾詣兜率天 佛之所建立

如是正像經 當令普流布

於是耆年大迦葉於世尊前歎此頌曰

吾等慧薄少 聲聞之所說 當任其勢力
執持世尊法 若有受持此 當往侍衛之
堪以宣辯才 讚之爲善哉

於時舍利弗於世尊前歎此頌曰

法猶如虛空 世護之所說 吾當將養之
奉敬斯正典 若所在方面 奉持如是經
住在於後世 將念一切族

於時耆年大目犍連於世尊前歎此頌曰

經

大藏經卷第

二首卷七

世尊今現在 清淨諸衆生 以持此經典
察義觀奉行 於百千劫中 終不歸惡趣

已受於佛決 則爲法王子

於是賢者阿難於世尊前歎此頌曰

我面於佛前 聞無數千經 從本未曾有
聞如是此經 今已遭此典 親從聖諮詢
當令普流布 爲求佛道者

爾時世尊答嗟釋梵護世四天及諸天子菩薩聲聞
善哉善哉仁等諸正士汝等乃能擁護正法又如是
比演師子吼今我重囑於正士等殷勤委累其有衆
人志於大乘未得法忍若遇如此建立經典受諷誦
讀常與如來而面相見如是不久當得其決成於無
上正真之道若聲聞乘受佛此經當於彌勒如來至
真第一會數若緣覺乘以此經典持諷誦讀吾滅度
後雖無所聞成緣覺道佛說於此總教王菩薩所問
經典義時無央數人皆發無上正真道意不可計會
諸菩薩衆立不退轉地不可稱載諸菩薩等逮得無
所從生法忍無限世界六返震動其大光明普偏十
方天雨衆華其於十方來會菩薩咸供養佛奉敬正
典普及一切寶嚴高座化作寶華而俱舉聲宣暢功

德吾等善利獲無極慶身自親近得至於此逮聞如是決疑經典當令世尊釋迦文尼延命久壽長存於世使此經典存闇浮提當水流布其比丘比丘尼童士童女受持如此比像經者是等亦令當蒙擁護亦使長壽常以弘恩加益衆生悉蒙得度

囑累品第二十八

於是總教王菩薩前白佛言至未曾有世尊善分別說此經典義所演微妙其辭璨麗菩薩元首所當行者降制一切諸魔異學方便隨時導御諸典而復悅可得衆生心出生一切諸乘之行悉入如來無極功

勲親具諸願顯現大道是經典者所名爲何云何奉行佛告總教王菩薩是經號如來大哀佛所宣教當奉持之聞如來善勣未曾虛妄當奉持之佛說如是總教王菩薩十方世界來會開士諸大弟子梵釋四王天龍鬼神健沓和阿須倫迦留羅真陀羅摩睺勒比丘比丘尼童子童女一切衆會諸天世人聞佛所說莫不歡喜

大哀經卷第八

音釋

卷五

蠲音涓除也

惱上隸下例

悞性不善也

憊同輕易也

覩親近身

視衣也

經
卷之三
周
二

多衆生故欲令多人得安樂故憐愍世間利益安樂
諸天人故亦爲現在未來發菩薩乘諸善家子善家
女等令生精進力故奢利弗善聽善念我爲汝說奢
利弗言如是世尊我今樂聞佛告奢利弗言奢利弗
閻浮洲人所有甘蔗蒲萄大麥小麥胡麻稻粟小豆
大豆江豆畢豆迦茶訶利那豆如是等田及餘苗稼
於彼處雨名爲善雨何以故若於彼處成就諸味閻
浮洲人得用活命是故於彼處雨名爲善雨奢利弗
復言世尊善家子善家女若欲法施於何處與名爲
善與佛告奢利弗言奢利弗我說法施若於諸處普
法施時名爲善與奢利弗我今復說若法施時與諸
菩薩摩訶薩於法施中名爲勝上善與何以故彼善
家子爲諸衆生求法是故施彼法時名爲勝上善與
奢利弗譬如於大海雨非不有果非無受用如是奢
利弗若於菩薩摩訶薩所與法施時非不有果非無
受用何以故彼善家子爲諸衆生求法故奢利弗譬
如有人磨拭摩尼寶時若勤用力名爲善作何以故
奢利弗磨拭摩尼寶時與作百千水精珠等如是奢
利弗於諸菩薩摩訶薩所若作力者名爲善作何以
故彼善家子爲諸衆生當求阿耨多羅三藐三菩提

發行無上菩提故奢利弗譬如大海無處不得下無處不得入何以故大海漸深大海漸下是故無處不得下無處不得入如是奢利弗菩薩摩訶薩於般若波羅蜜巧方便中修菩薩行亦無有法而不能說奢利弗譬如一滴水池種優鉢羅華葉出生雖同一池其華外葉不如是妙不得如是稱讚貴重然彼內華則爲男子女人稱讚貴重如是奢利弗聲聞獨覺同一法界證已不得如是稱讚貴重然彼如來阿羅訶三藐三佛陀則爲世間天人阿脩羅等稱讚貴重是故奢利弗見是義故善家子善家女應發是心莫同

一法界證而得聲聞獨覺名字不得如是稱讚貴重如彼如來阿羅訶三藐三佛陀我等今者應發阿耨多羅三藐三菩提心當得如是稱讚貴重如彼如來阿羅訶三藐三佛陀奢利弗譬如若沉水樹若栴檀樹其葉不得稱讚貴重如自體香如是奢利弗同一法界證已聲聞獨覺智慧不得具足如真實香然彼如來阿羅訶三藐三佛陀真香具足奢利弗見是義故善家子善家女所有善根皆應迴向阿耨多羅三藐三菩提奢利弗我說彼等由善友滿於阿耨多羅三藐三菩提中歡喜愛者敎彼勤行令歡喜愛何以

故奢利弗我昔亦由善友攝故令成阿耨多羅三藐三菩提奢利弗如有一人欲取珍寶更第二人亦欲取寶彼者前人示第二人向寶洲道所出寶處我說是人無有慳惜如是奢利弗若示徧知寶洲道者我說是人亦無慳惜奢利弗如大價寶直多百千出大海中寶在海時無人摩拭至閻浮洲乃有摩拭如是奢利弗若有欲見如來者發阿耨多羅三藐三菩提心各各見佛勝功德已彼卽廣行當成聲聞彼廣行已當成獨覺彼廣行已當成阿耨多羅三藐三菩提餘諸善根由值善友皆成廣大奢利弗見是義故善

家子善家女應求善友親近承事既承事已須修多業不久當成阿耨多羅三藐三菩提何以故我昔亦由善友攝故今成阿耨多羅三藐三菩提奢利弗如摩尼寶若摩拭時細末流下然其細末不得如是稱讚貴重如彼摩尼大寶則爲國王若王大臣及餘智人能別寶者稱讚貴重如是奢利弗聲聞獨覺雖同一法界證不得如是稱讚貴重然彼如來阿羅訶三藐三佛陀則爲世間諸天及人若健闍婆阿脩羅等稱讚貴重奢利弗譬如有人自將金博詣金師所若金師弟子所到已告言汝取此金爲我作釤我著脚

上時彼金師若彼弟子告言丈夫我以此金爲作瓔珞隨汝頂戴若頸若手繫已多有一百千人衆見生歡喜讚歎於汝奢利弗時彼愚人不用金師利益善語報金師言汝但爲我作於腳鉗如是奢利弗善家子善家女若如來所若聲聞所作勝上施法時或有善友來至其所告言丈夫汝今作此勝上施法是不順善所謂以此勝上施法而於有量法中迴向若聲聞地若獨覺地汝今作此勝上施法所有善根堪能迴向阿耨多羅三藐三菩提奢利弗於世間出世間法中諸佛世尊最是第一巧勝智慧奢利弗是故諸佛

世尊讚歎阿耨多羅三藐三菩提何以故此是無上迴向所謂阿耨多羅三藐三菩提奢利弗見是義故善家子善家女所有善根皆應迴向阿耨多羅三藐三菩提奢利弗如有二人於中一人善作金色劫波娑縷同一樹生所作細衣價直百千一人欲作僕使麤衣到織師所告言丈夫我此金色劫波娑縷善料理訖同一樹生爲我好織織師報言丈夫我當與汝作衣價直百千何用麤衣彼人不納織師善語報織師言但爲我作僕使麤衣如是奢利弗雖同一法同一善根或有攀緣聲聞地者或有攀緣獨覺地者或

有住於無上道者奢利弗於中若有攀緣聲聞獨覺地者應當語言汝此善根是如來因若求無上佛菩提者應亦語言汝此施法所有善根當同一聚迴向阿耨多羅三藐三菩提如是迴向以彼善根施諸衆生作無盡心當攝取之因此善根願諸衆生當得具足不可思智不可稱智三界最勝無上智等如彼如來阿羅訶三藐三佛陀奢利弗見是義故善家子善家女應種善根於阿耨多羅三藐三菩提奢利弗譬如國王第一夫人產生八子於諸子中惟有一子具足王相得紹王位以水灌頂餘諸王子復悉圍繞依法奉事奢利弗於意云何非彼母腹而有過失令餘王子不得灌頂大王位耶奢利弗言不也大德世尊何以故彼餘王子自於往昔不作王業不種善根以是因緣彼餘王子悉不得紹灌頂王位佛言如是奢利弗同證一法界已如來阿羅訶三藐三佛陀得名法王餘諸善家子等得聲聞名非此法界有過失耶奢利弗言不也世尊非此法界有其過失然由彼等於往昔時所作善根不能迴向無上菩提不行此道亦不發願不作勝上善根又不願求偏知利益是故今但生聲聞事彼等亦不行如來行又無如來功德

901 2 3 4 5 6 7 8 9 210 1 2 3 4 5 6 7 8 9 22

不具神通如諸如來阿羅訶三藐三佛陀奢利弗以是義故善家子善家女所作善根皆應迴向無上菩提奢利弗譬如波利質多羅俱毗陀羅樹有時初生三十三天皆大歡喜作如是言此樹既生三十三天不應久空如是奢利弗有時善家子善家女發無上菩提心彼時所有正信三寶天龍夜叉健闡婆阿脩羅伽留荼緊那羅摩睺羅伽人非人等心生欣躍云此道場不應久空菩薩摩訶薩得成無上菩提奢利弗譬如彼波利質多羅俱毗陀羅樹三十三天見葉出時不讚不重若見華時心生欣躍如是奢利弗聲

聞獨覺證一法界諸天世人不讚不重若見如來阿羅訶三藐三佛陀心生欣躍何以故如來阿羅訶三藐三佛陀具諸善根及三十二大丈夫相所有光明勝於日月能照無量諸佛刹土憐愍衆生奢利弗譬如彼波利質多羅俱毗陀羅樹若增長時三十三天應知此樹不久當有多葉百千俱致那由多葉乃至無量阿僧祇葉以覆其上如是奢利弗彼初發心菩薩摩訶薩生時長時應知當有百千俱致那由多等聲聞乃至無量無邊阿僧祇諸聲聞衆圍繞在前多有聲聞獨覺出現奢利弗譬如須彌山王有別峯處

高百踰闍那或高二百踰闍那乃至七百踰闍那此等別峯不得言是大須彌山如是奢利弗從如來智出生聲聞亦不得言其智具足如諸如來阿羅訶三藐三佛陀彼亦不具如來十力四無畏智無礙智等然其如來阿羅訶三藐三佛陀則具諸力無畏無礙智等奢利弗譬如須彌山王住處應知即有多天子衆百千俱致那由多等乃至無量無邊諸天子衆出現於彼在其山頂受天福報心甚愛樂天欲遊處隨意卽遊如是奢利弗彼初發心菩薩摩訶薩生時長時善根迴向無上菩提應知當有多聲聞衆百千俱致那由多等乃至無量無邊諸聲聞衆出現於世諸聖行處隨意卽遊奢利弗譬如須彌山王住處卽有四畔俱時而住終無先後如是奢利弗菩薩摩訶薩善根迴向無上菩提爾時卽有佛性佛地佛智佛功德等俱時出生亦無先後奢利弗譬如須彌山王住處若分分斷比於餘山猶爲高大如是奢利弗彼初發心菩薩摩訶薩善根迴向無上菩提若卽以比諸餘善根足爲最上高大住持奢利弗譬如須彌山王有金色邊若諸鳥獸至其邊者皆同一色所謂金色卽與師子獸王同色奢利弗雖與師子獸王同一金

經

卷之三

周一

色然其力勢功德名稱彼悉不共師子王等亦復不如師子獸王遊戲頻申無畏吼聲如是奢利弗聲聞獨覺雖與如來同於一味謂解脫味不得卽共如來阿羅訶三藐三佛陀等彼無如來如是功得諸力無畏師子吼聲然其如來則具方便智慧諸法此方便智聲聞獨覺尙皆不聞況能出生如來功德如來遊戲如來雷聲如來以師子吼而吼高出諸世奢利弗如諸鳥獸與師子王雖同一色而餘功德悉不共等不得名爲師子獸王如是奢利弗聲聞獨覺雖與如來同解脫味而亦不共如來齊等以彼不得功德名稱不得如來無上上名及如來體又亦不得無上菩提諸力無畏無礙智等以是諸力無畏無礙智等具足故名如來阿羅訶三藐三佛陀奢利弗見是義故善家子善家女所作善根皆當迴向無上菩提奢利弗譬如四天王天著於須彌山邊而住三十三天住於山頂奢利弗於意云何須彌山上豈不容受四天王天而彼四王不住頂耶奢利弗言不也世尊須彌山上非是不容四天王天而彼不住但彼往昔不種山上受用福報以其不作如是業故不得住於須彌山頂如是奢利弗我此法體亦無過失而不容受諸

經

卷之三

九

周一

聲聞等令其不得十方世界智以彼往昔所作善根不知迴向無上菩提亦不發願修如是行不發最上徧智智心是故今作聲聞不得遊於如來行處又無如來功德亦不具足諸力無畏無礙智等以佛具足是智故名如來阿羅訶三藐三佛陀奢利弗譬如大海不停死屍如是奢利弗阿鞞跋致菩薩摩訶薩不共慳居奢利弗譬如大海潮不過時如是奢利弗阿鞞跋致菩薩摩訶薩若乞士來終不過時奢利弗譬如有人若取滴水於大海中皆是一味所謂鹹味如是奢利弗菩薩摩訶薩若以種種百千諸門所作善

根迴向無上菩提皆成一味謂徧智味奢利弗譬如金性出金謂金鑄也隨種種意作諸瓔珞轉得種種瓔珞名字如是奢利弗以一佛智轉成多種百千瓔珞所謂出生衆生善根奢利弗如王作錢若已印有文者得名爲錢若未印無文者不得錢名如是奢利弗菩薩摩訶薩未得無生法忍諸佛世尊未授阿耨多羅三藐三菩提記若得無生法忍已諸佛世尊然後記言汝善家子於未來世當得如來阿羅訶三藐三佛陀奢利弗譬如外道仙人有天眼者若見有人初住胎未記色類以其未成男女相故後時若成男女

相已外道仙人方以天眼記言當生是男是女如是奢利弗菩薩未得無生法忍諸佛世尊未授阿耨多羅三藐三菩提記若彼後得無生法忍諸佛世尊方與其記汝善家子於未來世當得如來阿羅訶三藐三佛陀奢利弗譬如日輪出時不作是念我光當照此間浮洲但使日輪共光出時於閻浮洲必作照明令閻浮洲所有諸人顯明諸色如是奢利弗菩薩摩訶薩若得徧智智時亦不作念我當照明三千大千世界奢利弗菩薩摩訶薩行是法行坐是地分具是生相具是善根彼當如是覺智以是覺智彼菩薩摩訶薩必自照明三千大千世界奢利弗譬如二人皆欲得寶入於寶洲於中一人取無價寶其第二人取有價寶於時智人言丈夫此處有無價寶汝可取之此寶多價國王大臣若城邑人及餘智人別識寶者皆共稱讚貴重爲上此人不用彼人語故取有價寶如是奢利弗此佛教法亦似寶洲有人到已卽作無價念行具足謂徧智智寶相應念遠離聲聞獨覺等念復有第二人以聲聞獨覺相應念行奢利弗同一法界證已如來阿羅訶三藐三佛陀在法王數復有自餘諸善家子成聲聞已在聲聞數得徧智者在普

見數如如來阿羅訶三藐三佛陀奢利弗譬如如意寶珠隨到誰手彼卽自在無有一寶而不得者如是奢利弗菩薩摩訶薩無有一衆生所而不與作寶事無有一衆生所而不教作善根乃至無爲涅槃奢利弗譬如作摩尼人若作摩尼弟子隨所有寶外畔濁惡若磨拭已光色勝上知色勝已彼作珠人若彼弟子當得多種百千財聚而用活命如是奢利弗菩薩摩訶薩隨於他心令生善根如彼善根皆以自心方便智攝以此善根成諸佛法奢利弗如摩尼寶若未淨時須好覆藏何以故彼摩尼寶是無價故如是奢

利弗彼初發心菩薩摩訶薩初發心時諸天及人若犍闍婆阿脩羅世當須守護何以故彼善丈夫爲諸天人阿脩羅世發阿耨多羅三藐三菩提奢利弗如摩尼寶雖未磨拭當知卽爲國王大臣若城邑人及餘智人別識寶者稱讚貴重如是奢利弗彼初發心菩薩摩訶薩當知亦爲諸佛世尊菩薩聲聞稱讚貴重奢利弗譬如有人若見佛時當須如是生希有心彼如來阿羅訶三藐三佛陀時時出世我今可發阿耨多羅三藐三菩提心豐正法業以此正法教諸衆生善根聚集彼諸善根皆當迴向阿耨多羅三藐三

菩提彼迴向時若有無信比丘比丘尼優婆塞迦優波斯迦若摩羅波卑若摩羅身天來到其所說大乘過令其捨離令不樂欲奢利弗於意云何彼等豈不爲多衆生百千俱致那由多等乃至無量無邊阿僧祇諸衆生等作無義利作不安隱令苦令墮耶奢利弗言如是大德婆伽婆如是大德修伽多何以故爲諸衆生作無義利作不安隱令苦令墮所謂於發大乘諸善家子善家女所說大乘過令不樂欲阿耨多羅三藐三菩提令退令離佛言奢利弗若欲不捨如來阿羅訶三藐三佛陀者應求阿耨多羅三藐三菩

提是故奢利弗諸發大乘善家子善家女於阿耨多羅三藐三菩提應當樂欲莫退莫離何以故我說不捨如來阿羅訶三藐三佛陀者謂發大乘善家子善家女於阿耨多羅三藐三菩提樂欲不離不退者是奢利弗譬如饑饉惡世所種不生如在石上種時若王若王大臣若刹帝利若刹帝利大臣若婆羅門若婆羅門大家若長者若長者婦若長者大家在於城邑爲衆人故集種種穀而作大倉時衆人等皆詣倉所取種種穀將歸而食時有一人到彼倉處放火燒之奢利弗於意云何是不善人豈不於多百千俱致

經

大藏書

三

周一

那由多等乃至無量無邊阿僧祇諸衆生所作無義利作不安隱令苦令墮耶所謂是不善人於彼倉處放火燒壞不令受用奢利弗言如是世尊佛言奢利弗如是如是正法欲滅於時有人聞如來阿羅訶三藐三佛陀或時出世彼人聞已於衆生所而生大悲生大悲已發阿耨多羅三藐三菩提心於時若有不善人出於發大乘諸善家子善家女所說大乘過令不樂欲阿耨多羅三藐三菩提令退令離奢利弗於意云何是不善人乃與無量無邊阿僧祇諸衆生等作無義利作不安隱令苦令墮所謂於發大乘諸善

家子善家女所說大乘過令不樂欲阿耨多羅三藐三菩提令退令離奢利弗言如是世尊奢利弗譬如商主多將商人在道而去逢大險河多有流水時有一人語第二人作如是言丈夫當作方便計校用力求船其第二人語彼人言我正住此不能求船於時彼人有志有力勤作方便求船將來置於河邊乃有無量無邊阿僧祇衆生得從此岸度至彼岸既得度已於彼岸住其第二人懶惰無智少力薄福仍住本處不能度河更有餘人來到河所亦欲求度見彼懶惰無智少力薄福人已語云丈夫汝何不度時懶惰

經

大藏經卷一

十四

周一

人作如是言共我伴者方便用力求得船來置於河邊已令百千那由多俱致衆生得從此岸度至彼岸時彼餘人語是人言其懶惰人何不學伴而墮此處受無量苦如是奢利弗我見二人行布施時一人語彼第二人言丈夫汝可相應善作方便計校用力聚集善根於阿耨多羅三藐三菩提第二人言我不取阿耨多羅三藐三菩提但欲到阿羅漢若欲到阿羅漢者亦須相應方便計校用力當得出生初第一耶那如是出生第二第三第四第五耶那虛空無邊處識無邊處無所有無邊處非想非非想處三摩跋帝

於其中間卽便命終乘此得生非想非非想天身當得長壽久住乃至八萬四千劫限而住爾時彼人證覺阿耨多羅三藐三菩提覺已爲多衆生百千那由多俱致乃至爲無量無邊阿僧祇衆生說法說法已於後以無餘涅槃而取涅槃時第二人乘此仍在彼非想非非想天住如是語已命者奢利弗言如是大德婆伽婆如是大德修伽多實如意來所說世尊當知彼人是其懶惰若樂初第耶那乃至非想非非想天樂著彼處卽樂著已更不能與上人法合不作方便計校用力不近善友隨順承事不如實觀三解脫

門當知是懶惰人世尊彼菩薩摩訶薩大勤精進聲聞少信是其懶惰世尊見是義故善家子善家女所有善根皆當迴向阿耨多羅三藐三菩提奢利弗譬如摩尼寶具多功能將問作摩尼寶人言此摩尼寶有何功能問已彼隨所知如是爲說於中若多知者說多若少知者說少如是奢利弗同證一法界已有轉生聲聞智者彼等隨勝功德而知隨勝功德而說隨其所問還如是答依有限智以昔有限發願故然如來阿羅訶三藐三佛陀有無限智以昔無限發願故有無限無礙智無限六波羅蜜善巧方便成熟衆生何以故如來阿羅訶三藐三佛陀昔行菩薩道時集無邊願以是無邊功德法莊嚴故證於徧智奢利弗譬如波利質多羅俱毗陀羅樹初生小華其有香氣彼間浮洲諸生華香若蘇摩那若婆梨師若占波迦自餘諸生華香彼皆不及波利質多羅俱毗陀羅樹初生諸小華香如是奢利弗其諸聲聞獨覺所有善根若名聞若香若威德若力皆不及彼初發菩提心菩薩摩訶薩何況入行何況不退何況一生補處何況至灌頂時何況住普賢菩薩行何況在勝道場何況如來阿羅訶三藐三佛陀所有香所有威

東京大学総合図書館所蔵

901 2 3 4 5 6 7 8 9 210

1 2 3 4 5 6 7 8 9 210

經

卷之二

周十一

德所有力具足此力所謂諸佛世尊奢利弗譬如此
闍浮洲所有流泉浴池灤河小河大河等皆入大海
然其大海亦不厭足如是奢利弗菩薩摩訶薩於陀
那波羅蜜而不厭足如是尸羅波羅蜜羼提波羅蜜
毗梨耶波羅蜜弟耶那波羅蜜般若波羅蜜方便偏
知所有善根亦不厭足奢利弗譬如此闍浮洲所有
流泉浴池灤河小河大河等大海之內悉能含受如
是奢利弗所有天龍夜叉健闡婆阿脩羅伽留茶緊
那羅摩睺羅伽人非人等乃至所有衆生等菩薩摩
訶薩悉能含受與甘露味令彼等喜奢利弗譬如大
那伽那大力士神所著鎧甲闍浮洲人皆不能著如
是奢利弗菩薩摩訶薩於佛法中所著鎧甲爲諸衆
生著彼鎧甲其諸聲聞獨覺不能著彼鎧甲如是奢
利弗從初發心乃至坐勝道場不捨菩薩摩訶薩如
是鎧甲行菩薩行奢利弗初發大乘善家子善家女
應如是學相應用力勤修於業則當速成阿耨多羅
三藐三菩提奢利弗如雪山王南畔所有諸樹具足
諸華諸果諸香彼等諸樹闍浮洲人皆不得用如是
奢利弗聲聞獨覺雖有無漏戒定智解脫解脫知見
善根彼等衆生皆不得用如諸菩薩摩訶薩戒定智

解脫解脫知見善根諸衆生等皆當得用奢利弗是故菩薩摩訶薩應著如是鎧甲所有戒定智解脫解脫知見善根彼諸衆生皆當得用若諸衆生不得用者我無如是善根戒定智解脫解脫知見奢利弗譬如恒伽大河所流行時彼流行處潤此大地令其津澤又彼流行逼地而去凡諸塵土草木葉等彼流行時悉攝將去如是奢利弗菩薩摩訶薩於闍浮洲行住坐臥如是等處攝諸衆生令其善根皆得潤澤又復行住坐臥逼切諸無智行欲瞋癡行及顛倒行皆攝受已行住坐臥奢利弗若發大乘善家子善家女聞此上說雖多懶惰必須發大精進奢利弗譬如恒伽大河有處流時作聲大聲有處小聲有處示現出生善是奢利弗得無生忍菩薩摩訶薩有處示現出生善根有處自身示現隨順承事善友有處自身爲他而作善友隨衆生器所堪如是自身示現奢利弗譬如鏡輪若未善磨不善淨時見其形像卽不善淨若彼鏡輪善磨淨時然後分明見其形像如是奢利弗初業菩薩摩訶薩如見自善根卽承事善友如承事善友然後增長佛法奢利弗譬如恒伽大河增長滿時於其兩岸草木枝葉皆漂將去乃至向於大海如是

奢利弗菩薩摩訶薩應著如是鎧甲所有此岸助墮
黑事行於諸見險道我皆將去乃至到無餘涅槃界
奢利弗譬如恒伽大河有時增長多沫於中有多樹
等根莖葉果拔已將去於中復有第二大樹猶生而
住後時第二年中恒伽大河更長過前前者大樹更
及諸木拔已將去如是奢利弗若有善家子善家女
承事善友發阿耨多羅三藐三菩提心已而爲惡友
力故以昔業行力故受五欲福娛樂受樂皆共隨行
於後必須承事善友乃至當得無生法忍何以故於
諸佛所種諸善根終不虛棄彼等必當出世作佛號

徧智者號普見者奢利弗譬如有时劫燒彼時三千
大千世界皆大熾然而作光明同一熾然若燒若壞
無黑無影如是奢利弗菩薩摩訶薩應著如是鎧甲
無一衆生可見於彼衆生界中所有衆生皆不知者
我於彼等當令作不退法奢利弗譬如彼大焰聚然
時所有諸毒諸藥彼等皆同被燒如是奢利弗菩薩
摩訶薩應著如是鎧甲若有乘衆生若無乘衆生我
於彼等皆當平等說法如彼願如彼信彼諸衆生種
種信行當速令度不作二相何以故諸法無二不作
二相諸法無我於如不知奢利弗譬如彼大焰聚然

Ruler scale markings from 1 to 10.

時有焰乃至光音天有焰不能至爾許遠處如是奢利弗同一法界證已聲聞獨覺雖平等入而於十方世界智慧不轉如彼如來阿羅訶三藐三佛陀法界證已具無量智奢利弗譬如彼大火聚十方世界不來不去而燒三千大千世界彼火亦非無因如是奢利弗彼諸佛智十方世界不來不去亦不共聚如來阿羅訶三藐三佛陀具足智者如實知十方世界諸衆生心行彼智亦非無因最上徧智當如是見奢利弗譬如月輪出時當知蔽諸螢火而作照曜如是奢利弗初發心菩薩生時長時當知蔽諸具足分智聲

聞獨覺光明而作照曜何以故彼作善根迴向阿耨多羅三藐三菩提是故具無邊光奢利弗譬如日輪出時當知蔽諸星宿色光而作照曜諸處星光皆不復見如是奢利弗菩薩摩訶薩從兜率天下時多有一百千俱致那由多諸天來閻浮洲出如是聲告如是聲說如是聲汝諸人輩此菩薩摩訶薩今從兜率天宮捨身爾時此閻浮洲所有獨覺大智具者皆聞聲已發心向於涅槃何以故最勝福田菩薩摩訶薩從兜率天下時有如是自在力何況生時何況行七步時何況初出言時我於世間最大最勝我當必盡生

經

大藏書三集卷

三

周二

老病死何況出時何況至道場時何況證阿耨多羅三藐三菩提時是故如來於諸衆生可云最勝最上最大最妙無上無上上奢利弗見是義故善家子善家女所作善根皆當迴向阿耨多羅三藐三菩提奢利弗譬如大地所有種子彼等芽生有種種名同一地塵而有諸相如是奢利弗於一法界證已種種界衆生出種種名而不破法界是故奢利弗菩薩摩訶薩應著如是鎧甲當於彼時我證一法界已種種界衆生種種名字以智當說以是若干大智而亦不壞法界法界亦不作二法界亦無增減可知奢利弗見

是義故菩薩摩訶薩當思如是法行雖恒伽河沙數諸佛滅度法界亦無增減可知現在十方世界所有諸佛世尊具無礙智所有聲聞具於少智法界亦無增減可知虛空界極法界相應如是當知法界爲極佛法相應亦如是知是故奢利弗菩薩摩訶薩此深法中當以智觀覺無我法奢利弗譬如虛空界無與相似者如是奢利弗法界亦無與相似者是故奢利弗菩薩摩訶薩於此深法當以智觀奢利弗譬如有人於大海中取諸滴水彼皆一味所謂鹽味如是奢利弗於一法界出生聲聞何以故法界一而無二是

故奢利弗菩薩摩訶薩此深法中深處應當以智分別於此法中般若波羅密當隨順行非在餘處廣說譬喻於無我法當思當觀當求當合當生欲心當發精進作業用力善家子善家女此深法中當以智觀覺無我法奢利弗譬如大海有魚身長百踰闍那者乃至身長七百踰闍那者彼諸魚身雖復增長七百踰闍那大海亦無增減可見然彼七百踰闍那魚身死時大海亦無增減可見如是奢利弗菩薩摩訶薩當如是學雖有恒伽河沙數等諸佛世尊滅度而法界亦無增減可見復有無量聲聞滅度法界亦無增減可見此雖一味謂解脫味而諸聲聞不能轉生是智如諸如來阿羅訶三藐三佛陀奢利弗譬如轉輪王有諸寶出彼等諸寶餘處不生惟於宮內出生諸寶何以故彼轉輪王昔作轉輪王業以作業故惟於宮內出生諸寶如是奢利弗淨心菩薩摩訶薩淨心發阿耨多羅三藐三菩提若欲施他隨其所欲彼則出生何以故以彼先世善淨心故

大集譬喻王經卷上

801 2 3 4 5 6 7 8 9 201 2 3 4 5 6 7 8 9 202

經

大集譬喻王經卷下

十一

周二

大集譬喻王經卷下



大集譬喻王經卷下

隋天竺三藏闍那崛多等譯

謂出寶處

奢利弗譬如有人入寶性中問先入者言丈夫諸寶何似何相於先入者報彼人言丈夫汝癡云何名入寶性自見諸寶復問此寶如是奢利弗若善家子善家女作如是問法界何似法界何相奢利弗於時諸菩薩摩訶薩應著如是鎧甲我今當示衆生如此法界爲說令住奢利弗寶性者所謂法界入寶性丈夫問寶者所謂愚凡夫輩於先入寶性丈夫者所謂如來阿羅訶三藐三佛陀奢利弗譬如大海不作



經

力算論卷一

周一

是念我出有價諸摩尼寶或出無價諸摩尼寶如是奢利弗法界亦不作是念有知我已出有限智或有出無邊智奢利弗但於法界定隨所知得有限智又於法界定隨所知得無邊智奢利弗譬如未竟一日卽知若干刹那若干羅婆若干瓶若干筭皆知一日有若干殘如是奢利弗未竟出生苦集滅道是故奢利弗菩薩摩訶薩當知此是證信我說菩薩乘善家子善家女未到菩提奢利弗譬如水聚下天地彼不令虛空多如是奢利弗雖恒伽河沙等諸佛世尊已入涅槃而法界不見增減無邊諸聲聞衆滅度而法界亦不見增減是故奢利弗菩薩摩訶薩應著如是鎧甲所有衆生界不見增減法界亦不見增減我等作如是師子吼乃至覺阿耨多羅三藐三菩提奢利弗譬如無有是處我分別說有人至海龍王邊作如是言我欲得破毛端爲百分以一分毛出一滴水時海龍王語彼人言丈夫汝欲百分破於毛端以一分毛出一滴水我不捨大海如是奢利弗於無邊衆生界敎授作力令喜大喜彼作是言我等不堪發阿耨多羅三藐三菩提而我於法亦不作分奢利弗譬如春後夏月熟時有人往詣恒伽大河欲飲其水而有

經

大藏經

卷二

一人障不聽飲奢利弗於意云何彼人於彼無王大水聚中而作障礙得是順不答言不也世尊佛言如是奢利弗無攝法界無攝諸佛法中有發大乘善家子善家女信解渴仰而有衆生說大乘過令離令斷奢利弗於意云何彼人順不答言不也婆伽婆不也修伽多佛言是故奢利弗善家子善家女聞是說已應當速發阿耨多羅三藐三菩提生欲精進相應用力善家子善家女此深法中當以智觀覺無我法奢利弗譬如此大地中有地分所於閻浮洲諸人無用彼何者是所謂坑坎缺崖棘刺高峻廢處如是奢利弗衆生界中有諸衆生於諸衆生亦無所用彼何者是所謂發聲聞乘獨覺乘者彼等於諸衆生則無所用奢利弗譬如有大地分閻浮洲人得有用處彼何者是所謂具足園林華池若有出金銀處彼等閻浮洲人得有受用如是奢利弗衆生界中有諸衆生於諸衆生得有所用而彼等少彼何者是所謂若發阿耨多羅三藐三菩提彼等爲諸衆生而作歸依畢竟作樂故奢利弗譬如大海中有無價諸摩尼寶而閻浮洲諸人不得受用如是奢利弗雖諸阿羅漢聲聞有無邊善根戒定智解脫解脫知見而彼等於諸衆

生則無所用如諸菩薩摩訶薩所有善根戒定智解
脫解脫知見彼等爲諸衆生受用是故奢利弗菩薩
摩訶薩應著如是鎧甲若不爲諸衆生受用畢竟能
作樂者非我善根奢利弗譬如尼瞿陀子其形雖小
而生時長時多引多覆如是奢利弗其初發心菩薩
摩訶薩善根生時長時當知他諸善根皆所不及最
上而住是故奢利弗發菩薩乘善家子善家女雖小
善根不可輕賤莫言不增長耶何以故發大乘人善
根若增長時當知作無量阿僧祇奢利弗譬如有人
大富多財多受用具多有貝玉珊瑚金銀等所謂若

刹帝利大家子若婆羅門大家子若長者大家子彼
等出街市時誰欲看者看誰欲至者至誰欲問者問
爾時所有諸寶大摩尼寶直多百千欲看者看欲至
者至欲問者問何以故彼等心大於此賣買如是奢
利弗菩薩摩訶薩於諸佛法此大乘中欲問者問欲
說者說何以故彼等信大如是言說不斷欲至者至
欲問者問欲看者看欲說者說奢利弗譬如所有大
摩尼寶其價乃大直多百千奢利弗於意云何彼大
價摩尼寶頗與水精得共居不答言不也婆伽婆不
也修伽多何以故世尊其摩尼寶自與摩尼寶居不

其水精等亦不可爲喻佛言如是奢利弗菩薩乘善家子善家女與發大乘衆生應當共居共行共遊親近承順給侍善事共修多業彼於其間發覺令憶以如是故卽隨當學奢利弗譬如有人欲學於射彼當憶念親近射師何以故彼學此處當須其間發覺令憶而慰喻之如是取弓如是作拳如是把弓如是放箭以其射師發覺令憶及慰喻故彼卽隨學當得成就如是奢利弗彼發大乘諸善家子善家女應當親近如來阿羅訶三藐三佛陀隨順供養於發大乘諸善家子善家女所應當共居共行共遊共念彼發大乘諸善家子善家女親近隨順供養已彼應其間發覺令憶復當慰喻彼於其間發覺令憶及慰喻時卽隨當學此是陀那波羅蜜此是尸羅波羅蜜此是羼提波羅蜜此是毗梨耶波羅蜜此是弟耶那波羅蜜此是般若波羅蜜此是方便波羅蜜如是當學普偏種智所有善根彼應其間發覺令憶復當慰喻彼卽隨當學而得成就奢利弗譬如轉輪王於閻浮洲中所去遊處閻浮洲人不驚不怖不傷不損多捨金銀令住十善業道作如是行其轉輪王行時多有百千俱致那由多衆生悲泣憶念轉輪王功德如是奢利

801 2 3 4 5 6 7 8 9 201

2 3 4 5 6 7 8 9 201

經

卷之三

三

四二

弗菩薩摩訶薩於諸佛刹行時遊時彼應當學諸佛
勝德在在行處順法界行彼去遊處令諸衆生不驚
不怖不傷不損多捨金銀令諸衆生住於十善業道
於十善業道上上令生當如是行至無漏地當如是
作所有行處彼諸人等當學當念此是我善友行於
諸善法攝者作力者作覺者說甚深處者攝我等者
所行去處奢利弗菩薩摩訶薩應學如是勝上功德
奢利弗譬如彼轉輪王所去遊處次第行處彼時多
有百千俱致那由多無量衆生歡喜欲得彼來何以
故彼以善法教諸衆生彼以善法攝諸衆生如是奢
利弗菩薩摩訶薩應著如是鎧甲我所去處次第行
處於種種方諸佛刹中彼時多有百千俱致那由多
衆生歡喜欲得彼來何以故彼當教諸衆生善法又
有種種善巧方便當攝衆生奢利弗譬如彼大價摩
尼寶直多百千彼欲求時從何處得當於賣處如是
奢利弗菩薩摩訶薩隨其方便見諸衆生堪爲成器
彼處彼處而作方便以善根後當與取種種善巧
方便求已教諸衆生合善法中勸於菩提心中奢利
弗譬如若諸王子若王大臣諸子聚集坐已共作是
議如是當取王位當制王法當持王位當宣王教如

經

卷之三

三

四二

是奢利弗諸菩薩摩訶薩熾盛修諸善根承事多百千俱致那由多諸佛種諸善根善修於慈常能普念行於大悲喜菩提心念道場故而行於捨彼如是等大信者欲作師子吼者欲澍法雨者欲擊法鼓者欲吹法螺者欲豎法幢者欲安法船者欲度諸墮四流衆生者無量劫欲著鎧甲者欲著大慈大悲大喜大捨牢鎧甲者欲轉無上法輪者欲降伏魔羅及眷屬者欲著不思鎧甲者欲著無比鎧甲者欲著諸三界最勝最上鎧甲者如是等類諸善家子一處集坐共作是議我等應當攝諸衆生於彼無漏諸善根中我

等應當令諸衆生迴向涅槃界我等應當蘇息諸衆生於無爲涅槃界中奢利弗譬如若諸王子若王大臣諸子聚集坐時餘下賤人不得至於彼處如是奢利弗諸菩薩摩訶薩聚集坐時餘少分智具足諸衆生等不能見示如是境界如諸菩薩摩訶薩示現奢利弗譬如大海有衆生身大如璣子復有衆生身大百踰闊那復有衆生身乃至七百踰闊那奢利弗於汝意云何豈彼大海不容彼等小身衆生若彼大身諸衆生耶答言不也婆伽婆不也修伽多非是大海不容世尊由造業故彼諸衆生成於小身由造業故

90123456789

201

101

經
卷之三

七

居二

彼諸衆生成於大身佛言如是奢利弗以發願力故諸聲聞少智然如來阿羅訶三藐三佛陀有不可量阿僧祇不可思不可思稱無邊不可說智何以故彼昔行菩薩行有不可量阿僧祇不可思不可思稱無邊不可說願以造彼業成就乃至到無礙智最勝功德奢利弗譬如大海有諸衆生與摩尼寶不相近合不知彼名何況受用如是奢利弗有諸善家子等於此法律中生於彼法海具足遊者其諸聲聞獨覺猶不知彼三摩地名何況具足諸三摩地而欲當行以具足三摩地故名如來阿羅訶三藐三佛陀奢利弗譬如

射師作手作法所放箭處彼處不虛如是奢利弗有善方便菩薩摩訶薩以善方便攝取般若波羅蜜具足彼若發心當卽不虛無不攝取無不迴向阿耨多羅三藐三菩提彼菩提心卽不入欲瞋癡非欲所染非瞋所惡非癡所迷彼若發菩提心卽不入色乃至不入識不入我乃至不入受非眼界非色界不入眼識界乃至非意界非法界不入意識界彼若發菩提心卽離欲瞋癡若無欲瞋癡卽有大慈大悲大喜大捨若有大慈大悲大喜大捨卽不可得若不可得卽無生滅若無生滅卽無斷常若無斷常是名發菩提

1 2 3 4 5 6 7 8 9

20

1

20

心虛空界極法界究竟虛空界業合方便智是名發

周二

菩提心奢利弗譬如寶樹生時長時非無諸寶功能
如是奢利弗菩薩摩訶薩以諸善根迴向阿耨多羅
三藐三菩提共攝大慈大悲大喜大捨奢利弗以是
義故當知菩薩摩訶薩發阿耨多羅三藐三菩提猶
如寶樹奢利弗譬如此三千大千世界所有諸樹諸
草枝葉彼等皆爲燈炬此三千大千世界所有諸須
彌山王輪山大輪山王目真鄰陀山大目真鄰陀山
王餘諸黑山及諸石山彼等皆爲燈器此三千大千
世界所有流泉陂池灤河小河天河大海彼等皆爲

油溝若有聲聞乘獨覺乘善家子善家女在如來阿
羅訶三藐三佛陀前然彼諸燈奢利弗於意云何彼
善家子善家女彼因緣故福德多不答言甚多大德
婆伽婆甚多大德修伽多佛言奢利弗於意云何若
發大乘善家子善家女乃至施一燈彼因緣故何者
福多如是語已奢利弗言世尊發大乘者乃至施一
燈福德是多非聲聞乘獨覺乘以無邊阿僧祇無量
燈施如是語已佛言奢利弗甚善甚善奢利弗如是
如是如汝所說何以故若諸菩薩摩訶薩陀那波羅
蜜卽諸衆生陀那波羅蜜若諸菩薩陀那波羅蜜彼

801

2 3 4 5 6 7 8 9

210

210

經

卷之三

十一

唐二

諸衆生卽得飲食衣服瓔珞乘等受用衆具若諸菩薩陀那波羅蜜彼諸衆生卽得長者財穀倉庫等受用衆具亦得田宅園林殿堂城邑聚落國土王都等受用衆具奢利弗略說諸菩薩尸羅羼提毗梨耶弟耶那般若彼破尸羅衆生乃至無智衆生當得智慧何以故彼初發心如散種子當如是見彼修行已猶如種子增長不退轉地如成枝葉一生補處猶如出華彼如來地猶如成果隨衆生欲如是取果如來涅槃當如是見奢利弗以是義故當知由初發心如來出生由於如來出諸衆生所有樂具亦由如來出諸

聲聞獨覺奢利弗以是義故善家子善家女所有善根皆當迴向阿耨多羅三藐三菩提奢利弗譬如月輪出時此閣浮洲所有流泉陂池灤河小河大河彼處皆見月輪而彼月天子於自宮不動彼之月輪不近一處而於諸處現月輪影如是奢利弗住十地菩薩摩訶薩多諸佛利乃至多百千俱致那由多佛利自身示現彼諸佛利所有村城聚落國土王都諸處菩薩摩訶薩自身示現有處示現陀那波羅蜜或復捨頭手足眼耳或捨皮肉筋骨髓心或捨子女妻妾宅舍村城聚落國土王都或現無罪法祀大會須食

與食須飲與飲如是乃至騎乘衣服蔓香塗香牀座
椅机燈明等示現捨時爲攝慳惜衆生故乃至爲捨
五受聚故有處示現尸羅波羅蜜不缺不穿不斑不
雜亦如犧牛護尾爲攝破戒衆生故乃至令住三解
脫門故有處示現羼提波羅蜜若截手足及以挑眼
自無瞋恚爲攝高慢瞋毒衆生耽富貴者故乃至令
住無生法忍故有處示現毗梨耶波羅蜜爲懈怠衆
生熾然精進故厭離自樂令諸衆生住樂故爲攝懈
怠小精進衆生令住精進故乃至令住十地故有處
示現弟耶那波羅蜜遊戲弟耶那解脫三摩地三摩

鉢帝爲攝失念不正知無三摩地心亂心衆生故乃至令住金剛三摩地故有處示現般若波羅蜜說難度深佛法故處非處地非地如衆生行爲說法故如是奢利弗住十地菩薩摩訶薩巧攝方便般若波羅蜜具足如所欲得如是能作如諸衆生信諸波羅蜜如是爲諸衆生示現諸波羅蜜如諸衆生信色如是爲諸衆生示現於色如信法本如是爲諸衆生說法令彼衆生當得不退轉阿耨多羅三藐三菩提奢利弗譬如樹能與諸欲若有衆生欲得諸寶來到其邊令彼衆生所欲得滿若食若衣若瓔珞若其衆生

所須諸寶金銀毗琉璃玻瓈赤真珠碼瑙碑碟如彼衆生有所須欲諸寶卽生彼與衆生諸所欲樹若割若破若斫不見其樹割處破處及斫損處轉更增長出種種寶如是奢利弗住十地菩薩摩訶薩有處示現陀那波羅蜜有處示現尸羅羼提毗梨耶弟耶那般若波羅密巧方便爲首有處示現生四天王天十三天須夜摩天兜率多天化樂天他化自在天諸魔羅身天乃至諸梵身天梵光天梵衆天梵輔天大梵天光天少光天無量光天淨天少淨天無量淨天徧淨天廣天少廣天無量廣天廣果天無熟天善見

天善現天乃至生阿迦尼吒天示現自身說法有處示現有想無想衆生乃至非想非非想天有處示現此閻浮洲作轉輪王身爲衆生說法有處示現轉輪王四分中一分王形色有處示現力轉輪王形色有處示現刹帝利長者大臣王臣小男小女婦女丈夫沙門婆羅門尼犍梵志天龍夜叉乾闥婆阿脩羅伽留茶緊那羅摩睺羅伽人非人等乃至依城者形色有處示現聲聞獨覺形色有處示現下兜率宮或入母胎或出生或梵釋奉接或行七步或口出言我是世間尊勝當窮生死或詣學堂或入天祠或處宮內

0123456789

20123456789

20123456789

或在閭浮樹下或身出家或至道場或降魔羅軍衆
或證無上菩提或轉法輪或爲四衆八部說法或現
涅槃或一全身或如芥子或熾正法或現法滅奢利
弗略說如諸衆生所信說法者是諸菩薩摩訶薩自
身示現爲成熟諸衆生故如諸衆生信諸法本是諸
菩薩摩訶薩爲諸衆生說於法本令彼諸衆生等得
不退轉阿耨多羅三藐三菩提奢利弗譬如幻師若
幻師弟子住四大道示種種幻所謂象馬車步奢利
弗於意云何彼四分兵來處去處十方諸世界中可
得知不答言不也婆伽婆不也修伽多彼幻來去不

可得知而彼幻非無因佛言如是奢利弗彼佛知若
來若去十方諸世界中亦不可知如來阿羅訶三藐
三佛陀以是智具足故十方諸世界中諸衆生所有
心行皆如實知而彼智非無因彼智最上當如是見
奢利弗譬如有人被捉咽喉則諸處根皆當被捉如
是奢利弗若善家子善家女以偏智心菩提心中入
諸佛法護諸衆生攝諸衆生持諸衆生奢利弗譬如
有人壽命百歲將一滴水來與如來阿羅訶三藐三
佛陀作如是言世尊我寄此一滴水願爲持之莫雜
餘水如來取已擲恒伽大河中擲已彼一滴水向於

0 1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

22

大海時彼壽百歲人過歲還來作如是言世尊與我
前所寄一滴之水不令雜餘水者奢利弗如來阿羅
訶三藐三佛陀有如是智謂不思智無比智出三界
智如來阿羅訶三藐三佛陀具是智已從大海出彼
前所寄一滴之水不雜餘水還與彼人如是奢利弗
如來阿羅訶三藐三佛陀非一佛利中說法亦非二
三四五乃至非千佛利中說法種種善巧方便教化
衆生何以故如來阿羅訶三藐三佛陀不可量阿僧
祇不可稱不可說無量千佛利中說法種種善巧方
便教化衆生奢利弗譬如春後夏月正熾熱時有一

丈夫乃與大衆欲過曠野彼於行時遠見焰動彼人
慰喻彼大衆言汝等但來有水可飲爾時彼人令彼
大衆望水不絕速出曠野便得蘇息不損不傷安隱
無畏至自境界如是奢利弗如來阿羅訶三藐三佛陀
令諸聲聞欲入阿羅漢果爲其說法如阿羅漢所
作相應精勤用力彼既作已便獲其利奢利弗若信
是法彼卽信無塵法若信無塵法彼卽信如來阿羅
訶三藐三佛陀若信如來阿羅訶三藐三佛陀彼卽
於無塵法解脫若於無塵法解脫彼卽解脫生老病
死憂悲苦惱奢利弗譬如漏盡阿羅漢在阿蘭拏山

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

遠險之處誦時彼處有饗彼時更有異人聞已卽得
阿羅漢果奢利弗於意云何彼人是誰調伏答言世
尊是阿羅漢佛言奢利弗於意云何彼漏盡阿羅漢
豈作如是念言我若誦時當有衆生得調伏耶答言
不也婆伽婆不也修伽多佛言奢利弗於意云何彼
饗從內從外從內外出莫作是見若諸衆生所出音
辭當如是信若有是說彼亦隨我奢利弗譬如丈夫
婦女於睡夢中乃見如來與聲聞衆圍繞說法奢利
弗於意云何如來聲聞其實來不答言不也婆伽婆
不也修伽多佛言如是奢利弗若人現見我聲聞衆

圍繞說法當信如夢彼卽現前見我及以法僧奢利
弗譬如大海非無有寶而不取寶何以故彼於先世
不曾作取寶業是故彼摩尼寶黑不識不取若人曾
作摩尼寶業彼卽得入寶洲入寶洲已取摩尼寶如
是奢利弗非無法界而不覺阿耨多羅三藐三菩提
奢利弗但彼先世於佛境界不作善根亦不發起是
故今入聲聞彼等不行如來行處亦無如來功德不
具如來力無畏等及無礙智如來阿羅訶三藐三佛
陀則具如來力無畏等及無礙智奢利弗譬如丈夫
婦女執鏡自看面輪見自面相便生喜躍如是奢利

0 1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

弗無聞凡夫不知影喻法本故馳走流轉而生愛樂
是故奢利弗菩薩摩訶薩應著如是鎧甲我今爲諸
衆生說法令於流轉當知當斷奢利弗菩薩摩訶薩
當信諸法空虛不牢如是當行奢利弗譬如如來阿
羅訶三藐三佛陀有所作化彼化生時無所生滅時
無所滅於佛境界若問若答此非二法如來所化生
時無所生滅時無所滅如是奢利弗得無生法忍菩
薩摩訶薩覺諸法無生覺已不得一法若生時生無
處法生若滅時滅亦無有爲無爲何以故菩薩摩訶
薩覺諸法無二故奢利弗譬如沫搏無有牢固彼無

牢固當隨順知如是奢利弗諸法無牢固諸法是空
當隨順知諸法如海本性無有二相奢利弗譬如水
泡從因緣生以一一因不能得生如是奢利弗凡有
衆生因不正念欲取於生彼皆虛無空不牢固彼諸
衆生昔著如是鎧甲云何令彼諸衆生等當見實際
我應爲說流轉輪迴奢利弗譬如鳥行虛空無法障
礙如是奢利弗菩薩乘善家子善家女等於諸法無
礙際無塵際無二際信於徧智我說是菩薩乘善家
子善家女等決定阿耨多羅三藐三菩提奢利弗譬

1 2 3 4 5 6 7 8 9 20 1 2 3 4 5 6 7 8 9 20

卷之三

周二

如神通比丘行虛空時雖見其行不見步跡如是奢利弗見菩薩行而不能說彼法及善根迴向處何以故奢利弗我所覺法不可言說彼法諸天龍夜叉乾闥婆阿修羅迦留茶緊那羅摩睺羅伽人非人等不能成就唯除諸菩薩摩訶薩於諸世界最勝具足上智着大鎧甲何以故彼菩薩摩訶薩諸天等世皆不能及奢利弗譬如手足能作諸事如是奢利弗於此法本當如是見奢利弗譬如有人能以一指示現五指於意云何彼難作不奢利弗言甚難婆伽婆甚難修伽多佛言奢利弗我此說難如虛空等法界虛空

等法覺已爲他解說此難於彼我說希有何以故奢利弗彼菩薩摩訶薩虛空等法覺已不作戲論而能增長如是奢利弗所有善根菩薩摩訶薩當覺阿耨多羅三藐三菩提彼諸善根皆是虛無空不牢固阿耨多羅三藐三菩提是故奢利弗菩薩摩訶薩應著如是鎧甲我信諸法是不牢固若不入此忍者不能成就八人法須陀洹法斯陀含法阿那含法阿羅漢法何況覺阿耨多羅三藐三菩提唯除諸菩薩摩訶薩於諸三界最勝具足上智奢利弗是故菩薩摩

0 1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

經

大藏書

周二

訶薩應近善友承事供養何者善友所謂示教行六
波羅蜜若以餘教彼非善友若菩薩摩訶薩如是言
如是教如是應學諸波羅蜜如是應學諸菩薩法當
知彼名菩薩摩訶薩真實善友奢利弗譬如以一滴
酥擲大海中於意云何此爲多不奢利弗言不也婆
伽婆不也修伽多於彼水中還是一滴佛言如是如
是奢利弗諸聲聞獨覺戒定智解脫解脫知見少攝
不能爲諸衆生而作利益奢利弗譬如以一滴油擲
華池中彼則徧滿不知其油滴法如是奢利弗諸菩
薩摩訶薩戒定智解脫解脫知見乃至諸有善根爲
諸衆生當得受用乃至究竟涅槃奢利弗譬如有一
丈夫於大海中破百分毛取一滴水於意云何彼一
滴水比於大海水聚何者爲多奢利弗言世尊假使
取百踰闍那猶當是少何況彼人破百分毛取一滴
水佛言奢利弗如是諸聲聞獨覺智如一滴水諸菩
薩摩訶薩知見如大海水聚諸菩薩摩訶薩具足是
知見故能成熟諸衆生乃至將到無餘涅槃界佛說
此讚諸菩薩摩訶薩功德法本時無量阿僧祇無邊
諸衆生等發阿耨多羅三藐三菩提心無量阿僧祇
無邊諸菩薩摩訶薩善根熾然增長勸行成就無量

0 1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

阿僧祇無邊天人等世遠塵離垢於諸法中得法眼淨佛說此經時尊者奢利弗及餘諸比丘比丘尼優婆塞迦優波斯迦天人乾闥婆阿修羅等聞佛所說皆大歡喜

大集譬喻王經卷下

音釋卷上 遵荼訶利那豆

梵語也似大豆此土無

鉢

串臂

劫波娑

梵語也亦云劫波宵又云劫貝卽木綿也

漸

落波

第十一紙

二行金字下從南藏補入細註謂金鑛也四字

提字

十四行

南藏帝

第十七紙

一行伽字下有那字南藏

第十六紙

卷下

鉢南藏又士字下

澍

注霖

陂

卑畜水日陂

機俗呼上倚

案

坐發爲椅子下凡屬人所凭坐者

肇

茅長髦牛也出西南夷尾可爲旌

第一紙

三行中字下從南藏補

入細註謂出寶處四字

當湖馮洪業摹貲續鑄法藏方冊願周法界縉白四衆咸滿如來四弘誓海妙嚴德究竟圓覺願多生父母咸被資薰證入法流誕登覺岸俾業乘願入死出生不迷本性具足正知又願教遇訖聲光縗綱見聞成種依正互融民風還淳禾無災難

90 1 2 3 4 5 6 7 8 9 200

1 2 3 4 5 6 7 8 9 21

0 1 2 3 4

5
6
7

8
9
22

木ノ十